

天津國醫學院編
新國醫講義教材

友

婦 女 科 卷 一

專發學員功課
非 賣 品

院址：天津英租界三十二號路義慶里八號
院長：尉 稼 謙

新國醫講義教材 婦女科

女子生殖器之構造

女子生殖器之構造，可分析爲下列諸部，曰卵巢，曰子宮，曰陰戶，各俱特種之功用，茲分別研究之。

(一) 卵巢 卵巢爲製出卵子之要具，在盆骨(骨盤)腔內之扁韌帶中，左右各一，形與男子之睪丸相似，由卵巢向於子宮之方，生韌帶一，附著子宮底之兩側，將卵巢連結於子宮，此韌帶名爲卵巢韌帶，將卵巢縱斷而觀其內部，則於表層(即皮質)中有大小不同二三十個之小胞，名曰繆拉依甫氏胞，此胞內藏細胞液及卵子，皮質以內之部，名之爲髓質，有多數之細小血管焉。

(二) 卵子 卵子生於繆拉依甫氏胞中，外面被蛋黃膜，有可容精蟲進入之小孔，蛋黃膜之內部，爲蛋黃所充盈，又稱之爲黃體，黃體中又有胚胎，胚胎之中，含有胚點，凡女子一度生育，則黃體內留有遺跡，兩度生育，則留兩跡，於牝畜亦然。

(三) 輸卵管 輸卵管，全長十種，包圍卵巢前側方面，左右各成一管，上端開口於腹腔，接連子宮處，即通過子宮壁，所以全管可分爲三部，(一)子宮部，(二)韌帶部，(三)腹腔部。子宮部 此管通過子宮管腔狹隘，僅能通毛細探針，粘膜少皺襞，韌帶部 此部分，幾占全管之半，輸卵管在此部，成一直線側走，略有蜿蜒，腹腔部 此部爲輸卵管之側部端，接近卵巢，無腹膜被覆，爲漏斗狀，開口腹腔，末端，向外翻轉，其狀如瓣，其一部延長達於卵巢，謂之卵巢叢，亦名



剪線。

(四) 子宮 子宮位於腹腔之下，膀胱之上，骨盤之內，處女時期，前後扁平，如梨子狀，若已生產之婦，則略形長大，子宮可分三部，曰底，曰體，曰頸，所謂子宮底者，即最上部之遊離部份，兩側有輸卵管與卵巢帶，附着於其上，子宮體者，即底部之下面，漸下乃漸狹，子宮頸則在體之下部，尤狹小，呈圓柱形，半出腔中，於是名之曰子宮腔部，末端有橫溝管，名之曰子宮外口，其末如唇狀，即子宮唇，又有子宮腔者，為扁平三角形，其底兩側，直達輸卵管，尖端而下，逐漸狹小，及至頸部，則又膨大，而呈圓形，謂之為子宮頸管，子宮之構造，可分內層，中層，外層，外層曰漿液膜，與腹膜為一系，被覆於子宮外部，中層曰筋織層，甚肥厚，內層曰黏液膜，平滑於子宮腔，一至頸管，則呈樹狀皺襞，在子宮腔與頸管之上部，有甍毛上皮，頸部則有水泡狀之液體，職在收容卵巢中受精卵子，而使其發育長成，分娩於體外。「子宮之功用」

(1) 接受孕卵，(2) 保護與滋養孕卵，使其成胚而以漸舒長，直至成為發育完全之胎兒，其所以能有保護與滋養之功者，因孕卵入子宮後，子宮之粘膜，漸漸變厚而包圍之，如胚之臥置床內，此變厚之粘膜，乃成胎盤之一部份，而子宮之肌肉纖維亦漸長大，且增生新纖維，其重量較原有可漸增至數倍以上，因而其中營養，得以充足，(3) 通出胎兒及胎盤，如是則子宮之功用發矣，待胎出後，子宮收縮而復其原有柔軟之狀，甚為迅速，且其過長之組織，亦逐漸減少而至於恢復原狀也。

(五) 子宮韌帶 子宮在骨盤內，由摺疊之腹膜所繫住，聯於骨盤之壁及膀胱直腸，其主要之韌帶，即為子宮闊韌帶，子宮闊韌帶，乃由腹膜之摺疊所成，一端在子宮之兩側，展開如翼，彼端附着於骨盤腔之邊緣，每一摺疊之腹膜，包裹一輸卵

管，卵巢，及近子宮一方面之圓韌帶，圓韌帶有二，係纖維組織所成之筋肉，其形如繩，由子宮角向側向前伸展，經過腹腔溝管，而與輸管之組織相連接，此兩韌帶，乃令子宮常維持於正規之位置，及使子宮之底部，稍稍向前，此外又有子宮橫骨韌帶，起端於子宮頸與子宮體之間，而末端附着於第二第三之橫骨處，使子宮頸不能過於向前，故亦有維持子宮位置之功用，（此二帶各於直腸之側經過。）

(六) 陰道 陰道爲子宮腔外界連絡之管，有厚壁，管腔呈前後壓平圓筒形，前後壁相接觸，故陰道管之橫斷面爲C形，陰道之方向，在膀胱直腸空虛之際，稍與骨盆下口之直徑線平行，自前走向後方，但其長軸不成爲直線而稍彎曲，凹形成被膜，此名卵泡，此膜爲內外二層橫成者，外層曰外膜，爲纖維性，乏於血管內層曰內膜，粗鬆而富於細胞，有多數毛細管，外膜與周圍之卵巢間質，有反覆分歧之血管淋巴管爲界，內膜與卵泡上皮間，有透明無組織之玻璃膜爲境界，此膜由上皮分泌而成者，復次卵泡上皮細胞羣中，發生裂隙，充滿漿液，以次增加，裂隙亦從而膨大，遂成一腔，此名濾液腔，充滿其中之液體，名爲濾液，液體雖漸次增加，而卵決不直接露出於液中，當由多層上皮細胞，所謂卵丘者包圍而守護之，濾液發育，卵子亦隨而變化，其周圍先發生透明帶，此由上皮細胞分泌而成，有放射紋，其厚薄到處相同，卵子非由此帶直接包圍，其間尙畧有空隙，貯有液體，卵即浮動於液中，又卵之原漿中，其中心部發生眉光甚強之小粒，故此部之原漿與其他部分等性質之原漿，可以區別，具此顆粒之卵黃，特名卵滋養質，核在卵黃之邊緣，其中有仁，具有阿米巴狀之運動。

陰道上端，有子宮陰道段突出而閉鎖之，陰道管即圍陰道段，呈穹窿狀，此名陰道穹窿。按其部位，可別爲前後左右各部分，陰道後穹窿，較前穹窿深，蓋因陰道後處在較高於前壁之部位，附着子宮頸部故也，陰道前壁下半部，與尿道密著，

上半部，與膀胱粗鬆附着，後壁下部，與會陰織密著，中三分之一，與直腸，上三分之一，與 Douglas 氏組窩之腹膜，均由粗鬆結締組織結合。陰道壁，成於三層，即（1）上皮層，（2）上下皮下結締組織層，（3）肌層是也。上皮層扁平上皮，其構造與外皮相等。惟陰道上皮之最外層，無角化細胞，且無毛汗腺及皮脂腺，乳頭甚發達，突隆於皺紋之上。上皮層中，有來自陰道神經叢之神經末梢。陰道中偶亦有陰道腺，成於單層高圓柱上皮，但極罕見。陰道上皮之厚薄，因年齡而異，小兒較厚，乳頭亦較大，老年則非薄，乳頭之數減少，上皮下結締組織層，粗鬆而有多數血管，尤富於靜脈，肌層為陰道壁之最外層，成於平滑肌束，其經行不規則，但大致從走，惟上皮下結締組織接近之部分，畧有環狀肌纖維。

（七）外陰部，女子外陰部，有陰阜，大陰唇，小陰唇，陰核，前庭，及非爾德林氏腺等，分別詳之如後。

（八）陰阜者，即少腹下部之隆起者，同於男子，達成熟之年，則發生陰毛，然亦有童然而禿者。

（九）大陰唇又名外陰唇，兩側相對，為堤防狀，外側生陰毛，內面滑澤，而藏有多數之腺，能分泌一種帶臭氣之液體，大陰唇於上下兩端，左右相合，稱之為前連合後連合，前連合上際半陰之部，即陰阜是也，又後連合之內面有皺髮一，移為陰唇繫帶，陰唇繫帶與陰道口之間，有一淺小之窩，稱為舟狀窩。

（十）小陰唇 小陰唇在大陰唇之內側，呈瓣膜狀，為大陰唇所覆被，然亦有非常發育，為三角形，而突出於大陰唇間者，小陰唇上端分為二脚，中間有陰核，故稱此層為陰核包皮，小陰唇之下端，漸漸狹小，至大陰唇內面與陰道口之間而消失，其構造由含有彈力之纖維組織而成，外被粘膜，粘膜中有多數之分泌腺。

（十一）陰核 陰核在小陰唇上端，為一圓柱形之小體，幾全為陰核包皮所包蔽，然亦有發育極大者，則宛如男子之陰

莖而突出於外，其構造爲內含許多血管及腦線之肉體，故極富於知覺，作用殆似男子陰莖之龜頭，其有特大者，俗常稱之爲半陰陽人云。

(十二)前庭 前庭係陰核下面之三角形空隙處也，在小陰唇中間，陰道前庭之中央，爲尿道口。

(十三)骨盤 骨盤在軀幹之下部，略爲漏斗形，由無名骨薦骨尾骶骨及第五腰椎互相結合而成，其腔名爲骨盤腔，腔內藏生殖泌尿器及腸，男子之骨盤少狹長，女子則寬大而短，蓋以女子此部當安置妊娠子宮，且須分娩故也，骨盤既大，則腰之周圍亦隨而俱大，故骨盤大者，其分娩較易，骨盤小者，則頗不利於婦人也。

月經之生理

女子屆成熟之年齡，其發育完全者，以行經爲主要之特徵，惟經水之行，根據於卵巢之分泌物，經水之色，較尋常之血色，畧稀而淡，因內有黏膜之分泌物，及卵球之故，亦有呈紫色者，因子宮內靜脈鬱血破裂外出之故，其原理，卵巢中離生卵子，卵子既繁，其卵巢必發炎，卵巢排卵一次，則月經一見，卵巢不排卵，則無月經，妊娠及授乳，爲卵巢停止排卵之期，有時授乳時間，卵巢仍有排卵工作，不見月經而能成孕，此則在於例外，所以有避年，(月經一年不見，有居經(三月一至)有垢胎。(成孕時逐月行經)至卵巢排卵而有月經，舊說謂卵巢濾泡增大，刺激神經，使子宮內膜充血，遂成月經，今則謂排卵後而發生之黃體，成熟達於極度，而有月經，此月經由卵黃體內分泌而起之說，現時學者，均主張此論，以爲有充分之理由云。

月經之性質

經水之最要特點，爲不能凝固，因其中含有子宮黏膜之上皮細胞及多種液體之故，當卵子成熟時期，（即月經將至之時）子宮黏膜內，充滿極強之纖維液體，其卵巢中分泌液，含有蛋白質，故近代醫家考察月經成分，謂（一）呈鹼性反應，（二）富於蛋白質，（三）雜有黏膜之上皮細胞，皆爲實地經驗之談，若所下爲完全之血液，無此三種混合成分，則子宮血管破裂，或崩漏失血諸證，非月經所宜有也。

月經之分量

經水初潮，色作淡紅，量亦不多，迨後漸行漸多，色變成紅，或作紫暗，有腥臭氣，至將停時，仍還淡色，量亦減少，每次經來所排泄之分量，平均計之，未嫁者約二兩，已嫁及曾經生產之婦，則畧多於此，又各隨體質而異，或因運動太過，精神受重大之刺激等，皆能增加經水排泄之分量。

月經持續之日數，通常約自五日至七日，其有延至旬日以上者，則爲病徵，須經醫治，行經以每屆二十八日排泄一次爲常例，古稱按月行經，乃約計之詞。

月經遲前證治（西醫謂之前期型）

月經不及期而來者，有因血熱者，（此因血熱內蘊，能使神經與細胞起非常之興奮，於是血液運行，亦同時超過常度，遂致卵巢中之卵珠早熟，而經乃先期至矣，至其血熱之故，乃副腎髓質之分泌液，分泌太過，此項分泌素爲酸性，有迫血上行之作用）

當用四物湯——生地三錢，當歸二錢，白芍二錢，川芎一錢，加黃芩一錢，黃連一錢，香附一錢。

有因脾經血燥者，當用加味逍遙飲——當歸三錢，白芍二錢，白朮一錢，白茯苓一錢，柴胡一錢，甘草一錢，牡丹皮一錢，梔子一錢，（此症病象煩燥，咽乾，減食，嗜臥，或痰嗽，潮熱，肢體羸弱，精神減少。）

有因脾經鬱滯者，係思慮傷脾，少寐，發熱，盜汗，健忘，怔忡，驚悸，不思飲食：

當用歸脾湯——西洋參三錢，黃耆二錢，白朮一錢，白茯苓一錢，當歸一錢，龍眼肉一錢，遠志一錢，酸棗仁一錢，木香一錢，甘草一錢，生薑一錢，大棗一錢爲引。

有因肝經怒火者，心胸部脹滿疼痛，口苦，耳聾，乾嘔，（按肝爲人體最大腺體，分泌胆汁，製造肝糖，且營與奮神經之用，最忌憂鬱忿怒）：

當用小柴胡加地黃湯——柴胡三錢，半夏二錢，黃芩一錢，洋參一錢，甘草一錢，生地一錢，生薑一錢，大棗爲引。

有因神形勞倦或飲食失節，以致脾胃虛損，（考諸科學之理，凡血氣虛弱者，即動脈管之注射力減少，因而血行遲緩，靜脈管之吸收衰微，因而毛細管鬱血，於是子宮內膜之毛細管，因鬱血而破裂，遂至血液易於漏下而成爲經來先期之病矣）：

當用補中益氣湯——黃耆三錢，人參二錢，白朮一錢，甘草一錢，當歸一錢，陳皮一錢，升麻一錢，柴胡一錢。

有因婦人身體肥胖，痰多，血虛有熱：

當用二朮南星湯——蒼朮三錢，白朮二錢，南星一錢，黃連一錢，香附一錢，川芎一錢。

總而言之，婦女經水先期而來，脾經鬱滯，及勞役火動者占少數，而大抵多因血熱，即內經所謂天旱地熱。經水滲溢，

(西醫謂之前期型)而在月前之意，如婦人通常患此病者，儘可通用本章第一方四物湯(連所加之藥)重者：

常用調經先期湯——當歸三錢，白芍二錢，生地一錢，黃柏一錢，知母一錢，黃芩一錢，黃連一錢，川芎一錢，阿膠一錢，艾葉一錢，香附一錢，甘草一錢。

月經過期證治 (西醫謂之後期型)

經者常候也，謂候其一身之陰陽奮伏，知其安危，故每月一至，太過不反，皆為不調，大抵月經過期，多因血少而包藏寒氣，即內經所謂地寒地凍，水凝成冰，故令乍少而在月後之意，有因脾腫血少者，必飲食減少，而黃或者白，體瘦等虛象。(按諸科早原理，由於血液之循環滯滯，運行之能力退減，卵巢中所供給之營養成分不足，故不能按時先生卵子，而卵巢於子宮黏膜之分泌力，亦因而衰弱，遂致經行後期矣)：

常用人參養榮湯——人參三錢，白朮二錢，鹿角膠一錢，當歸一錢，白芍一錢，川芎一錢，熟地一錢。

有因肝經血少者，常用六味地黃湯——熟地三錢，茯苓二錢，山藥一錢，吳茱萸一錢，丹皮一錢，澤瀉一錢，加當歸一錢，有因平素體虛者：

常用八珍湯——人參三錢，白朮二錢，茯苓一錢，甘草一錢，熟地一錢，當歸一錢，白芍一錢，川芎一錢，生薑一錢，大棗為引。

過期不行有因其人本血虛，加以怒惱氣滯，(怒惱則卵巢與子宮黏膜，發生障礙，而不能照常分泌，遂為行經後期之病矣)

當用調經過期飲——當歸三錢，白芍二錢，熟地一錢，香附一錢，川芎一錢，紅花一錢，桃仁一錢，蓬莪朮一錢，木香一錢，甘草一錢，肉桂一錢。

月經過期而腹痛者。

當用七沸湯——當歸三錢，川芎二錢，白芍一錢，熟地一錢，蓬莪朮一錢，川芎一錢，木香一錢。

月經過期而臍腹作痛，腰痛，氣攻胸膈，（此必血熱內熾之人，因高度燥結，血液乾凝，子宮內膜毛細管之血，亦同時積滯而成瘀結，雖受卵子之衝激，暫不能外出，必待卵巢之分泌液充滿，方始破裂流下，而經乃不得不後期而至矣。）

當用牛膝飲——牛膝三錢，肉桂心二錢，赤芍一錢，桃仁一錢，玄胡索一錢，當歸一錢，木香一錢，牡丹皮一錢。

如血虛身弱，心中恍惚，時多驚悸，或發虛熱，經水過期：

當用養營湯——當歸三錢，川芎二錢，白芍一錢，熟地一錢，青橘皮一錢，薑黃一錢，川芎一錢，五加皮一錢，牡丹皮一錢，海桐皮一錢，香白芷一錢，生薑一錢，烏梅為引。

經閉證治（西醫謂卵巢內分泌障礙或缺乏之症）

婦人月水不通，或因醉飽入房，或因勞役過度，或因吐血失血，傷損肝脾，腰背作痛，足寒時痛，久而結於內變為癥瘕，若血水相併，脾胃虛弱，壅滯不通，變為水腫，若脾氣衰弱，不能制水，漸漬肌肉，變為腫滿，當益其津液，大補脾胃，方可保生，不可一概認為經閉死血，輕用通經破血之藥，遇有此症，便當審其脾胃如何，若因飲食勞役，損傷脾胃，少食惡食，兼或泄瀉疹痛，因而經閉不來，或因誤服汗下攻伐之藥，傷其中氣，以致血少而經閉者，只宜補養脾胃，使其生血而經

自行矣，又有純粹飲食積滯者，亦宜消積補脾，若經閉而脾胃無病，果有血塊凝結，方宜行血通經。

經閉損傷脾胃，如上述者，當用：

十全大補湯——黃耆三錢，肉桂二錢，人參一錢，熟地一錢，白朮一錢，當歸一錢，茯苓一錢，白芍一錢，甘草一錢，川芎一錢，生薑一錢，大棗一錢爲引。

（論經閉因積冷結氣）婦人之病，因虛積冷，結氣爲病，重者經水斷絕，至於歷年，血寒積結胞門，寒傷經絡，凝堅在上，則嘔吐涎唾，形體日損，在中盤結，繞臍疼痛，牽連兩脇疼痛，陰戶墜痛，兼以膝脛疼痛，當用：

溫經湯——當歸（酒製）三錢，肉桂二錢，川芎一錢，白芍一錢，牡丹皮一錢，蓬莪朮一錢，人參一錢，牛膝一錢，甘草一錢。

重者於上方加吳茱萸一錢，製附子一錢，小茴香一錢，炮乾薑一錢，名爲加味溫經湯。

（論血滯經閉）血滯經閉宜破者原因飲食毒熱，或暴怒凝滯積滯，重者直須用大黃，乾漆之藥，推陳致新，俾舊血消而新血生也，普通血滯經閉，最顯之病象爲腰腹疼痛，大便秘結，睛紅目脈，呼吸氣鬱不舒。

當用紅花當歸飲——紅花三錢，當歸尾二錢，紫葳一錢，牛膝一錢，蘇木一錢，甘草一錢，赤芍一錢，劉寄奴一錢，肉桂心一錢，白芷一錢。

（附註）「紫葳又名凌霄花」病重者於上方稍加大黃一錢，乾漆一錢。

（論火症經閉）女子經閉，有因火症者，（即子宮內膜毛細管鬱血）治宜先瀉心火，血自下也，內經曰，二陽之病發於

脾心，有不得隱曲，故女子不月，按此蓋與大腸胃有關也，心脾受之，心主血，心病則血不流，脾主味，脾病則味不化，不化，則經不足，故其病則不隱曲，脾土已虧，熱邪盛行，故月事不來。

當用三和湯——當歸三錢，川芎二錢，白芍一錢，生地一錢，大黃一錢，芒硝一錢，黃芩一錢，梔子一錢，連翹一錢，薄荷一錢，甘草一錢。

（論經閉不行宜補血瀉火）李東垣曰，經閉不行有三，婦人脾胃又虛，形體羸弱，氣血俱衰，而致經水斷絕，或病中消胃熱，善食，漸瘦，津液不生，編者論，夫經者，血脈及津液所主，津液既絕，為熱所燦，肌肉漸瘦，時見渴燥，血海枯竭，病名曰血枯經絕，宜瀉胃之燥熱，兼行補氣益血，經自行矣，時見大便秘澀，小便雖清不利，故治宜先瀉火，宜先服三和湯，使其火降消後，再服四物湯之類。（方見婦科第二章）

（論處女經閉成勞）夫人之生，以氣血為本，人之病未有不先傷其氣血者，若處女積想在心，思慮過度，多損精神，致成勞症，在男子則神色消散，在女子則月水先閉，蓋憂愁思慮則傷心，而血逆竭，神色先散，月水先閉，且心病則不能養脾，故不嗜食，脾虛則肺弱，故發嗽，氣血虧則本氣（即元氣）不榮，而四肢乾痿，多怒，鬢髮，筋骨痿，若五臟傳遍俱病則死，自能改易心志，用藥扶持，庶可保生，但不可用苦寒之藥，內經云，五臟入於胃，其糟粕精液宗氣，分為三隧，故宗氣積於胸中，出於喉嚨以貫心肺而行呼吸，榮氣者泌其津液，注之於脈，化以爲血，以榮四肢，內養五臟六腑，若服苦寒之藥，復傷胃氣，必致不起。

「按健康之女子，通常至十四歲以上，則生殖系統發生種種之變化，即子宮與陰道增大，乳房漸漸膨隆，骨盤及胸廓，日

益增廣，全身肥滿，皮膚美麗，而色澤益增，此外尚有爲春機發動之特徵者，即每月有多量粘液之血液，自生殖器官內排泄而出，排出之量，有多有寡，排泄之時間，大約二日至八日，即所謂月經是也，春機發動之遲早，因人種氣候營養特性而各異，故熱帶地方之女子，十歲已有經行。都會之女子，情竇早開又較鄉居者爲易，故春機之發動亦較早，然月經之初潮，除因於疾病之外，以稍遲爲良，蓋於月經未潮之前，可使體格及知識爲充分之發達，若來潮過早，則身體及知識，極未發育而中止，然春機發動特別過早者，無論男女，爲害均甚大也。」

處女經閉，血虛有火，月經消損漸至不通，日漸羸瘦，而生潮熱，屬思慮成勞，當用益陰血制虛火之劑，慎勿以破攻之藥通之，澤蘭湯最爲合宜。

澤蘭湯——澤蘭葉五錢，當歸二錢，白芍藥一錢，甘草一錢，柏子仁一錢，牛膝一錢，卷柏一錢，續斷一錢，落地一錢。

女子有早月經者，如七八歲，即見月經，反復來潮，與成年之女子等，此種女子早月經之原因，生理學未有發明，大概身體發育異常，地方溫熱，卵巢增殖，亦屬原因之一，若一二歲之小兒，偶然一次子宮出血者，此則不可謂之早月經也。

（論經閉用於雜病之後）婦人經閉不通，或因墮胎，及多產傷血，或因久患潮熱，消血，或因久發盜汗，耗血，或因久患脾胃不和，飲食少進，而不生血，或因久患痢疾失血，治宜生血補血。

當用五補衛生湯——人參三錢，熟地二錢，牛膝一錢，茯苓一錢，當歸一錢，白芍一錢，黃耆一錢，甘草一錢，五味子一錢。

經水異色證治 (西醫名爲月經異常)

經水色淡者 (即淡白之色) 虛也，故經水以色紅爲正，雖稍有不對期而色正者易調，色紫者熱也，色黑者熱之甚也，色如泔水，如屋漏水，如豆汁，或滯黃混濁糝糊者，濕痰也，成塊成片者 (血不變色) 血滯也，或風冷乘之也，色變紫黑，而成塊者，血熱尤甚也。

古有一種醫書，論紫者，黑者，作痛成塊者，率指爲風冷而行溫熱之劑，後人誤解者多遵之，其禍豈可勝言哉，其理由以爲黑者北方水色也，紫淡於黑非冷而何，編者，按內經曰亢則害，承乃制熱，甚者必兼水化，所以熱則紫，甚則黑也，觀婦人心性狹窄，嗜欲加倍，臟腑厥陰 (即肝經) 之火，無日不起，非熱而何，若曰風冷，乘之必時常冷痛，經行之際，手足厥冷，唇青面白，而所下經水渾濁，而多成塊，非紫黑之色也。

色紫黑者，常用四物湯——生地三錢，(生地熱地皆用於四物湯，欲其完全清熱者當用生地，欲其兼有滋補性者則當用熟地，因時制宜可也)，白芍二錢，當歸一錢，川芎一錢，加香附一錢，黃連一錢，黃芩一錢，黃柏一錢，地骨皮一錢。

風冷者：

當用四物湯加防風一錢，白芷一錢，荊芥一錢，蘇葉一錢。

色如米泔等樣者濕痰也：

當用二陳芩歸湯——陳皮三錢，半夏二錢，川芎一錢，當歸一錢。

成塊者血不變色氣滯也：

當用四物湯加玄胡索一錢，香附一錢。

色淡虛者：

當用四物湯加入參一錢，黃耆一錢，香附一錢。

血崩證治（西醫名爲子宮出血，由於子宮內膜，肥厚充血，或實質發炎，或子宮肌腫，或子宮後屈，遂致出血。）

（論血崩由傷損任衝二脈絡）婦人血崩，由臟腑傷損任衝氣血俱虛故也，任衝爲經脈之海，血氣之行，內傷最能影響之，（按輸卵管係卵巢與子宮相通之道路，因輸卵管之逐漸伸直，故卵巢分泌得以輸入，經所謂任脈通者是也，至於衝脈則爲大動脈，故任脈與交感神經亦有關連焉），蓋血氣外循經絡，內榮臟腑，若無傷損，則陰陽和平而調順，若勞動過度，致臟腑俱虛而任衝之氣亦虛，不能約制其經血，故忽然暴下，或由陰陽相搏，爲熱所乘，攻傷任衝，血得熱則流散，甚者至於昏悶，法當調補脾胃爲主，當用四物湯，加黃耆一錢，人參一錢。

（論血崩與虛熱）內經云陰虛陽搏謂之崩，又云，脾統血，肝藏血，其爲患則脾胃虛損，不能攝血歸元，或因肝經有熱，血得熱而下者，或因怒動肝火，血熱而沸騰，或脾經鬱抑，血傷而不歸經，或因悲哀太過，胞絡傷而血崩，脾胃虛弱者，當用：

加味六君子湯——人參三錢，白朮二錢，茯苓一錢，甘草一錢，陳皮一錢，半夏一錢，當歸一錢，川芎一錢，柴胡一錢
脾胃虛陷者當用：

補中益氣湯（方見雜病門）加酒炒杭芍。

肝經血熱者，常用：

四物湯——加柴胡一錢，山梔一錢，黃連一錢，牡丹皮一錢，若怒動肝火亦用本方。脾經鬱抑者，常用：

歸脾湯——人參三錢，黃耆二錢，白朮一錢，白茯苓一錢，當歸一錢，龍眼肉一錢，遠志一錢，酸棗仁一錢，木香一錢，甘草一錢，加柴胡一錢，山梔一錢。

凡血崩急劇者，爲圖速效起見，常用：

獨參湯——即人參一味煎湯，服之有立止血崩之功，蓋血崩多脾胃受損，慎勿多用寒涼之藥也。

（論氣陷血脫法骨升舉）編者曾治一婦人經候與血凝結成塊，左脰有血痕，水瀉不止，穀食有時化有時不化，遷延四月，血塊暴下，併水注俱作，此症是前後二陰，有形之血脫，蓋古人治病必本四時升降浮沉之理，權變之宜，若不本四時，以順爲逆非其治也，且治之大法，必先歲氣無伐天和，無盛盛，無虛虛，道人天殃，無致邪，無失正，絕人長命，故古人有云，陽虛陰虛，下之則愈，汗之則死，大抵醫聖先賢立法各自有義，且如升陽以發散之劑，是助春夏之陽氣令其上升，乃瀉秋收冬藏肅殺寒涼之氣，夫天地之氣，以升降浮沉，乃從四時，如治病逆之則殺人矣，今此婦病經漏不止，是前陰之氣血已下脫矣，水瀉夾作，是後陰之氣血又下陷矣，後陰者主有形之物也，前陰者，精氣之門戶，二陰俱脫血氣消竭，假令當日先是熱症，今下部久脫已化爲寒矣，此病久沉久降矣，濕太盛，當急救之，制寒以熱，降濕以燥，大升大舉，以助生長，補養氣血，不致偏枯，古人立治之法云，濕氣大勝，以所勝助之，故內經云，風勝濕，是以所勝平之也。

遂用升陽益胃湯必效

黃耆三錢，人參二錢，神曲一錢，白朮四錢，當歸一錢，陳皮一錢，甘草一錢，升麻一錢，荆芥一錢。

(附註)此方重在調和脾胃，須重用白朮，以燥其濕，而滋元氣，用荆芥風藥，乃輔助勝濕之意。

(論過下瘀血法當收止)血大至曰崩中，或清或濁，或純下清血，或純下瘀血，蓋下清血時十之二，下瘀血者十之八九，瘀血成腐，勢不可止，症狀非一，所感亦異，甚則頭目昏暈，四肢厥冷，並宜膠艾湯——當歸三錢，川芎二錢，白芍一錢，熟地一錢，阿膠一錢，艾葉一錢，甘草一錢，以此幾味煎湯送服下列藥散：

五灰散末——蓮蓬壳三錢，黃絹二錢，血餘一錢，百草霜一錢，棕皮一錢，山梔一錢，蒲黃一錢，黑墨一錢，血竭一錢。

血崩甚而腹痛，人多疑惡血未盡，又見血色瘀黑，益信惡血之說，不敢止截，大凡血之爲患，欲出未出之際，停在腹中，即成瘀血，難盡以瘀爲惡，又焉知瘀之不爲虛冷乎，若可得見瘀血之後，截之，恐併與人無之矣，(此段係補充前段，使學者放胆用止截之藥)。

(論過服寒涼法當溫補)編者曾診一婦人患血崩遍服諸醫藥，添加身熱體痛，頭暈湧出，吐痰少食，衆仍作火治，展轉發熱，絕粒數日，余診之曰脾胃久虛，過服寒藥，中病未已與病復起，遂用六味地黃湯加附子，肉桂，而愈矣，翌年因勞役憂怒，當夏季病復作，胸飽發熱，脊痛腰疼，神氣拂鬱，崩血，便血，煩渴引飲，粒米不進昏憤時作，余曰此無根之火內虛寒假熱也，以八珍湯加熟附子而愈。

人參三錢，白朮二錢，茯苓一錢，熟地一錢，當歸一錢，白芍一錢，川芎一錢，附子一錢。

(附告) 血崩爲婦科要病，學者應格外詳研之。

(論開痰行氣) 涎鬱胸中，清氣不升，故經脈壅遏，而降下非開涎不足以行氣，非氣升，則血不能歸血道，蓋開胸膈濁涎，則清氣升，清氣升則血歸隊道，不崩矣，故其治法宜開結痰行滯氣，消汚血。

當用補中益氣湯。

(論補中去積) 一婦人患血崩，四肢無力，上喘氣短，腹鳴，口鼻氣皆不調，此乃氣血不足，飲食失節，脾胃虛弱之症，但時常胃脘疼痛，而有積滯，因先治其本，調其脾胃，益其元氣，補其血脈，養其心神，遂用參歸湯必愈——人參三錢，黃耆二錢，當歸二錢，熟地一錢，白朮一錢，酸棗仁一錢。

(論殺血心痛) 婦人血崩而心痛，名曰殺血心痛，由心脾血虛也，若小產去血過多，而心痛者，亦然，用烏賊魚骨炒爲末，醋水煎湯調下當歸散——當歸三錢，龍骨二錢，香附一錢，棕皮灰一錢，其爲細末。

(論血崩雜治法) 計血熱者：

當用生地黃飲——生地三錢，熟地二錢，白芍一錢，黃耆一錢，枸杞子一錢，天門冬一錢，地骨皮一錢，柴胡一錢。血虛者：

當用斷下湯——人參三錢，熟地二錢，艾葉一錢，當歸一錢，烏賊魚骨一錢，乾薑一錢，阿膠一錢，川芎一錢。

血寒者：

當用丁香膠艾湯——當歸三錢，白芍二錢，丁香一錢，阿膠一錢，生艾葉一錢，熟地一錢，川芎一錢。

(附註) 烏賊魚骨，即海螵蛸

血質者(既血崩而內有瘀者)：

當用備金散——香附子三錢，當歸尾二錢，五靈脂一錢，共為細末，醋湯調下，或只用香附子，赤芍，為末，醋湯調下，名如神散。

赤白帶下證治 (西醫名為子宮發炎)

(原因) 子宮發炎，凡三種，一內膜炎，尋常婦人，多患此症，無論已嫁未嫁，下體受寒，勞動過度，或傳染淋毒，內犯子宮，或胞衣難下，惡露不淨，皆其原因。

一實質炎，子宮實質，即內膜之外，外膜之內，為子宮中層筋質，此筋質發炎，有慢急二種，急性，因淋毒由子宮內膜侵犯之，或創傷傳染所致，慢性，由下腹受寒，或行房過度而來。

一外膜炎，子宮炎症所至，先內膜，次實質，後乃及於外膜，外膜難於發炎，大率必由淋毒醱膿等菌，蔓延子宮內部過甚，方波及之。

症狀，內膜炎之症狀，急性，惡寒發熱，頭痛少納，腰部重，陰部痛，手按小腹，頭痛難忍，帶下先稀後稠，久則各症退，變為慢性，帶下全係膿質，而且發炎在子宮頸內膜，經來粘膜腫，子宮口狹隘，則月經困難，帶下夾血，則成赤白帶，高年之婦，往往患之，發炎在子宮體內膜，痛亦異常，血出則痛減，漏出之物，由水變膿。

實質炎之症狀，急性，子宮腫大，有如手拳，初時發熱惡寒，若傷風然，繼則腰腹劇痛，牽及肩胛股腿，慢性，則骨盤

壓重，腰腹疼痛，洩惡臭物，雜血液成赤帶下，尿意頻數，大便秘結。

外膜炎之症狀，腐膿膿菌者為急性，發熱寒戰咬牙，脈搏疾數，常嘔吐，少腹痛，滲漏液或膿性，大小便秘，屬於淋菌者為緩性，尿意頻數，大便秘結，未及交媾，少腹作痛，無論其為何色，只要是由於陰虛，風邪乘虛入於胞門者：

則當用暖宮飲——當歸三錢，川芎二錢，白芍一錢，熟地一錢，艾葉一錢，牡丹皮一錢，茯苓一錢，龍骨一錢，牡蠣一錢，赤石脂一錢，附子一錢。

白帶兼痰積，通身蟲痛者：

當用加味三陳湯——陳皮三錢，半夏二錢，蒼朮一錢，黃柏一錢，南星一錢，牛膝一錢，川芎一錢。

白帶兼頭風鼻涕者：

當用蒼柏辛芎飲——辛夷三錢，川芎二錢，蒼朮一錢，黃柏一錢，南星一錢，半夏一錢，滑石一錢，牡蠣一錢，黃芩一錢。

（論帶下屬濕熱結而不散）熱入小腸亦能成爲赤帶，熱入大腸亦能成爲白帶，原其本皆濕熱結於下部，故津液涌溢，是謂赤白帶，此濕熱之症，女子臍腹不痛，陰中綿綿而下也：

當用滑白散——椿根皮三錢，貝母二錢，黃柏一錢，甘草一錢，熟地一錢，當歸一錢，白芍一錢，川芎一錢。

肥白人多兼濕痰，於本方加白朮一錢，半夏一錢，濕熱兼有赤帶加酒黃芩一錢，荊芥一錢，久下加牡蠣一錢，氣虛加人參一錢，黃耆一錢，腰腿酸痛加鹿角膠一錢，如五心煩熱加牡丹皮一錢，地骨皮一錢，如痰鬱嗜雜加玄胡索一錢，陳皮一錢。

，枳殼一錢，如帶下日極久，則當升膀胱氣陷之濕，須加升麻一錢，柴胡一錢。

（論帶下虛寒宜溫補）赤白帶下有虛寒帶腥臭者因小水淋瀝不已，或崩中暴下，或產後去血過多，以致陰虧陽竭者，榮氣不升者，經脈凝滯，衛氣下陷，濕氣累滯於下焦，蘊積而成白滑如涕下流腥臭，或下赤帶者。

當用加味八珍湯——當歸三錢，川芎二錢，白芍一錢，熟地一錢，人參一錢，白朮一錢，茯苓一錢，甘草一錢，香附米一錢，山藥一錢，杜仲一錢。

腹痛者於本方去人參加小茴香一錢，玄胡索一錢，寒甚者加肉桂一錢，附子一錢。

並當常服酒漬當歸丸——當歸三錢，茴香二錢，附子一錢，良薑一錢，炒黃鹽一錢，丁香一錢，首烏一錢，柴胡一錢，升麻一錢，木香一錢，苦練子一錢，玄胡索一錢，甘草一錢，共為細末，酒煮麵糊為丸。

（論帶下當以壯脾胃升陽氣為主）凡崩中帶下，或用收澀之劑，然暫止而終不止者，蓋衛氣司開闔而為榮血之主，脾胃為血海水液之會，衛氣一虛，則血液無所約制：

當用當歸附子湯——當歸三錢，附子二錢，良薑一錢，柴胡一錢，升麻一錢，首烏一錢，甘草一錢，炒黃鹽一錢。

或用補中益氣湯亦可——黃耆三錢，白朮二錢，陳皮一錢，柴胡一錢，人參一錢，甘草一錢，當歸一錢。

（論室女帶下）室女有三病，何也，答曰，女子一病者經水初下，陰中熱或當風臥，或扇風，二病者太衝脈盛，氣盛則內熱，以冷水洗之，三病者，或見着下驚怖者，若三者一有所受，後必有帶下之症也。當用聚寶丹，又名琥珀硃砂丹——當歸三錢，木香二錢，琥珀一錢，沒藥一錢，滴乳香一錢，沉香一錢，硃砂一錢，共為細末，和水為小丸。

(論帶下久枯澀宜潤補) 帶下久而枯澀者澀之，凡大補氣血，皆所以濡之，如以四物湯爲末，煉蜜爲丸，梧子大空心以米湯送下三四十丸，以療年高婦人白帶良驗。

(論帶下久不止當補氣厚脾) 如帶下久亦不可專用收澀。

當用四君子湯——加草果一錢，丁香一錢，木香一錢，以燥水健脾，或用理中湯加陳皮一錢，半夏一錢，或用芎歸湯，或用補中益氣湯，此皆補氣厚脾，使氣血自循故轍，而不專於收澀，以切奪之。

(論帶下濕熱藥用正治從治之異) 婦人赤白帶下，多是由於怒氣傷肝，夫肝屬木，脾屬土，肝邪乘脾，木氣寇土，則脾受傷而有濕，濕而生熱，熱則流通，所以滑濁之物，滲入膀胱，從小便而出也，丹溪作濕熱而用苦寒之藥治之者是也，雖然古人曾有用辛溫之藥治之者，不知苦寒之藥，正治之法也，辛溫之藥從治之法也，蓋濕熱怫鬱於內，肚腹疼痛，赤白帶下，方能用辛溫從治而開散之，然溼熱未曾拂鬱，但只赤白帶下，不若用苦寒正治之爲當也。

辛溫從治當用解帶飲——當歸三錢，香附子二錢，白芍一錢，白朮一錢，蒼朮一錢，白茯苓一錢，陳皮一錢，牡丹皮一錢，川芎一錢，玄胡索一錢。

苦寒正治當用勝濕飲——蒼朮三錢，白芍二錢，滑石一錢，椿根皮一錢，地榆一錢，枳壳一錢，甘草一錢，黃柏一錢，黃連一錢。

附坐藥龍鹽膏，治各種帶下——玄胡索三錢，厚朴二錢，當歸一錢，茴香一錢，炒黃鹽一錢，防已一錢，肉桂一錢，龍骨一錢，烏頭一錢，丁香一錢，木香一錢，良薑一錢，木通一錢，枯礬一錢，煉蜜爲長丸，絲綿裹，納陰戶中。

(論白濁白淫) 婦人小便白濁白淫者，皆由心腎不足，水火不升降，或因勞傷於腎，腎氣虛冷故也，腎主水而開竅在前陰，爲溲便之道，脫令腎損，故有白濁白淫。

白濁白淫蓋緣思想無窮，所願不得，意淫於外，入房太甚，發爲筋痿，久爲白淫，謂白物有如白精之狀，與白帶相似，而實非白帶，又有日夜流津，如清米泔，或如黏膠者，謂之白濁，與白淫畧同，多憂思過度所致，無論白淫白濁：

皆當用加味四七湯——半夏三錢，厚朴二錢，赤茯苓一錢，香附子一錢，紫蘇一錢，甘草一錢，煎湯後加琥珀末一錢沖服。

久病者當常服金鎖正元丹——肉從蓉三錢，巴戟二錢，葫蘆巴一錢，補骨脂一錢，五味子一錢，白茯苓一錢，硃砂一錢，龍骨一錢，以上共爲細末，合酒爲丸。

(論帶下排膿) 帶下有敗膿，淋漓不已，腥穢殊甚，遂至臍腹益增疼痛，致真氣不足，呼吸短氣，四肢倦怠，腳膝瘦軟，目暗耳鳴，此蓋敗膿血所致，卒無已期，須用白芷三錢，澤蘭葉二錢，敗醬草一錢，白芍一錢，枯礬一錢燒枯爲末，如梧子大，空腹或飯前米湯送下三四十丸，功能排膿。

(論帶下黃白色) 婦人帶下黃白，怒則胸膈不利，飲食少思，誤用消導利氣之藥，則痰喘胸滿，大便下血，予病體有加重之危，此乃脾氣虧損，不能攝血歸元，當用補中益氣湯加茯苓一錢，半夏一錢，炮乾薑一錢，然後再用八珍湯加柴胡一錢，紫石英一錢，自能痊愈。

虛勞證治 (西醫名爲貧血病或白血病)

(原因) 此病原因有三種，一由骨髓多生白血球，故名爲骨髓性白血病，一爲淋巴腺多生白血球，故名淋巴性白血病，一爲脾臟多生白血球，故名脾臟性白血病，平人血液，一耗五百萬赤血球，一萬白血球，若赤血球三百餘萬，白血球增至三萬，即成白血病，現時白血病，以淋巴性白血病，骨髓性白血病，占其多數。

症狀 神經衰弱，肌肉瘦削，顏色蒼白，氣力薄弱，食思缺乏，臥病不能起床，小便多蛋白質，脾臟腫大。

(論婦人虛勞與男子不同) 勞倦所傷，用補中益氣湯調治，乃暴病也，失治而有發熱潮熱盜汗，咳嗽諸症出焉，謂之虛勞，又復失治而有皮聚毛落，飲食少思，然男以精爲主，女以血爲主，其致病既殊，則施治亦異。

(論婦人無熱虛勞) 婦人冷勞屬血氣不足，臟腑虛寒，最顯著者臍下冷痛，手足時寒，月經失常，飲食不消，或時嘔吐，惡寒骨節痠痛，肌膚羸瘦，面色痿黃，此症有內外真寒，有內外真熱，有內真熱外假寒，有內真寒而外假熱，若飲食難化，大便不實，腸鳴腹痛，飲食畏寒，手足逆冷，面黃嘔吐，畏見風寒，此內外真寒之症也。

當用附子理中湯——附子三錢，白朮二錢，人參一錢，乾薑一錢，甘草一錢。

若飲食如常，大便秘實，胸腹痞脹，飲食喜冷，手足煩熱，面赤嘔吐，不畏風寒，此內外真熱之症也。

當用黃連解毒湯——黃連三錢，知母二錢，黨甲一錢，柴胡一錢，木通一錢，麥冬一錢，白朮一錢，地骨皮一錢，甘草一錢。

若飲食如常，大便堅實胸腹痞脹，飲食喜寒，手足逆冷，面黃嘔吐，畏見風寒，此內真熱外假寒也，亦用黃連解毒湯。若飲食少思，大便不實，吐酸噎氣胸腹痞滿，手足逆冷，面赤嘔吐，不畏風寒，此內真寒而外假熱也，亦用附子理中湯。

，按以四種如上所述，皆當兼服八味地黃丸，即六味丸，加附子，肉桂。

（續論婦人無熱虛勞）一婦人作嘔食物不思，口吐痰涎，而黃腹痛，月經不調，手足逆冷，此內外俱寒之症，編者以六君子湯加香附，木香，而愈。

一婦人忽嘔吐酸水，內熱作渴，飲食不進，面色香赤，惟喜冷水，投之以藥入口即吐，此內外真熱之症，遂以黃連解毒湯治之而愈。

一婦人內熱作渴，大便閉結，畏惡風寒手足冷，此內真熱而外假寒，先用黃連解毒湯，後用八味地黃丸。

一婦人初患痰喘熱渴，他醫以降火之劑治之，肌肉日削，而氣日索，延誤日久，遂致痰盛身熱，口腐腹脹，神昏大便泄瀉，按此病原本稍有內熱，但其人元氣素虧，只宜稍服清熱之藥即可，該醫竟以大劑降火攻伐之藥，連進不停，浮病雖去，而脾胃反為藥力造成虛寒之症，編者遂以乾薑，附子之屬治之而愈。

（論婦人有熱虛勞）婦人熱勞，由心肺壅熱，傷於氣血以致心神煩燥，面赤頭痛，眼澀唇乾，口舌生瘡，神思皆倦，四肢壯熱，飲食無味，通身酸疼，心驚盜汗，肌膚白瘦，或寒熱往來，當審其所因，調理氣血，則病自愈矣。

若肝脾血虛有熱：

當用四物湯，加西洋參一錢，何首烏一錢。

若肺經心經素虛，而有虛熱。

當用補肺湯——人參三錢，龜甲二錢，紫菀一錢，何首烏一錢，生地一錢，桑白皮一錢，麥門冬一錢，天門冬一錢。

(論癆勞蒸熱) 婦人此症，多因經行胎產，或飲食起居，七情重傷肝脾之所致，又或失於調攝，或過攻伐而成，何謂骨蒸，蓋有積熱附於骨而然也，此又多由於脾胃虧損所致，其形羸瘦，腹脹，泄痢，肢體無力，傳於腎則盜汗不止，腰膝疼痛，夢鬼交侵，小便赤黃，傳於心則心神忪悸，喜怒不時頰唇赤色，乍熱乍寒，傳於肺則胸滿短氣，咳嗽吐痰，傳於肝則兩目昏暗，脇下脹痛，無論何種：

皆當用劫勞飲——白芍藥三錢，鱉甲二錢，人參一錢，茯苓一錢，半夏一錢，甘草一錢，當歸一錢，五味子一錢，阿膠一錢，熟地一錢，生薑大棗爲引。

(論血風勞) 婦人血風勞症，因氣血素虛，經候不調，或外傷風邪，內挾宿冷，致使陰陽不和，經絡痞澀，腹中堅痛，四肢酸疼，月水，或斷或來，面色痿黃羸瘦，又有因產後未滿百日，不謹將護，致臟腑虛損，百脈枯竭，遂致勞損，久不瘥，則變寒熱往來，飲食減少，肌膚瘦瘠，遇經水當至，即頭昏眩，胸背拘急，四肢疼痛，身體煩熱，足腫面浮，或經水不通，故謂之血風勞，此症日久則損其氣，氣衰則火旺，火旺則乘其脾土，脾主四肢，故懶言動作，喘滿，表熱自汗，心煩不安，當病之時，宜安靜其心神，存養其真氣，治法當用甘溫之品，以補其中氣，內經云，勞者溫之，損者補之，即此理也。

當用大建中湯——白芍三錢，大當歸二錢，川芎一錢，黃耆一錢，肉桂一錢，白朮一錢，甘草一錢，生薑大棗爲引。

積聚癥瘕證治 (西醫名鬱血性循環障礙，兼腸神經疼疾患)

(論婦人諸積形狀) 分疝，癥，諸氣疝癩，八癥，腹中瘀血癥，痞食癥，血癥，凡七種，按者在腹內通臍，左右各有一條，筋脈急痛，大者如臂，次者如指，因氣而成如弦之狀，故名曰疝。癥者僻在兩肋之間，有時而痛，故名曰癥。疝者痛也。

，瘕者假也，其積聚浮假而痛，推移乃動也。八瘕者，黃瘕，青瘕，燥瘕，血瘕，脂瘕，狐瘕，蛇瘕，鼈瘕。積在腹內或留胃之間，與臙氣結搏堅牢，雖推之不移，名曰瘕，言其病狀可徵驗也。氣壅塞爲痞，言其氣痞塞不宣暢也，傷食成塊，堅而不移，名曰食瘕。瘕瘕成塊，堅而不移，名曰血瘕，若夫腹中痰瘕，則積而未堅，未至於成塊者也。大抵以推之不動爲瘕，推之動爲痞也，至夫狐與瘕，瘕，則與痛俱，痛即現不痛即隱，在臍左右爲瘕，在兩肋之間爲瘕，在小腹而牽引腰脇爲痞，恐學者一時難了，未免淆亂，故總叙而條分之。

（詳論瘕癖）瘕者在腹內，近腹左右，既如上述，癖者，在兩肋之間，亦如上述，二者皆陰陽不和，經絡痞隔，飲食停滯，不得宣流，邪冷之氣，搏結不散，得冷則發作疼痛，夫瘕癖血塊硬堅，甚者痛則欲死，究而言之，皆血之所爲：

當用葱白飲——葱白三錢，川芎二錢，當歸一錢，枳殼一錢，厚朴一錢，桂心一錢，乾薑二錢，舶上懷香一錢，白芍藥一錢，青皮一錢，木香一錢，麥芽一錢，苦練子一錢，熟地一錢，三稜一錢，蓬莪朮一錢，茯苓一錢，神曲一錢，人參一錢。

（論疝瘕）婦人疝瘕，由於飲食不節，寒溫不調，氣血勞傷，臟腑虛弱，風冷入內與血相結所生，疝者痛也，瘕者假也，結聚浮假而痛，推移乃動也，又或因產後血虛受寒，或因經水往來取冷過度，非獨飲食失節，多挾瘀血氣所成也。

當用當歸飲——當歸三錢，薑甲二錢，桂心一錢，檳榔一錢，大黃一錢，川芎一錢，吳茱萸一錢，木香一錢，青皮一錢，蓬莪朮一錢，赤芍一錢，桃仁一錢，生薑爲引。

（論婦人八瘕所因）八瘕者，皆胞胎生產，月水往來，血脈精氣不調，所生也，腎爲陰主閉，左爲胞門，右爲子戶，主定月水生子之道，臍下三寸，名曰關元，主於精氣神所出，故婦人血脈經絡調合，則月水以時來至，故能生子而無病，婦

人榮衛經絡斷絕不通，邪氣便得往來，入於臍腑，若生血未盡，而合陰陽，即使婦人血脈驟急，小腹重急，脇胸滿悶，腰背引痛，四肢酸痛，飲食不調，腹中惡血不除，月水不時或前或後，因生積聚如懷胎狀，邪氣相干，令人惚恍多夢，寒熱往來，四肢不欲動，甚者陰戶腫痛，小便不利，苦痛如淋狀，面目常黃黑，月久即不復生子也。

黃癢者，婦人月水始下，血氣未止，臥寢未定，五臟六腑虛羸，精神不足，因向大風便利陰陽開闔，關節四邊中於風濕，血從下上，入於腹中，稽留不去，名爲陰虛，則生黃癢，黃癢之聚，令人苦，四肢寒熱，身重臥，不欲食，左脇下有氣結，牢不可破，衆之腰背相引痛。

常用療黃癢導方——皂莢三錢，蜀椒二錢，細辛一錢，共搗爲細末，以暈絹袋如指大，長三寸，盛藥令滿內陰中，坐臥隨意，勿行走，小便時去之，便畢洗淨，再加入。

青癢者，婦人新產未滿十日，起行，以洗滌太早，陰陽虛，陰戶四邊皆鬆散，子戶未安，骨肉皆痛，平膺不舉，飲食未復，內臟吸收，又當風臥，洒洒入腹，令人苦寒，煩悶，沉淖，惡血不除，結熱不得散，則生青癢，聚在左右脇下，癢於背脊上，與肩解腰下擊急，腹下有氣起，不能多食，四肢不欲動搖，手足面目黃，大小便難，其後爲之不通利，或不復禁，狀如崩中。

常用療青癢導方——皮鹽三錢，皂莢二錢，細辛一錢，共爲細末，治法如黃癢導方。

燥癢者，婦人月水下惡血未盡，其人虛微，而以夏月熱行疾步，若舉重移輕，汗出交流，氣血未平，而卒以恚怒，致腹中脹咽不洩，經脈驟急，內結不舒，煩滿少力，氣上達胸膈背脊，小腹墜急，月水與氣俱不通和，月水橫流，溢入他臟不去。

有熱則生燥癢之聚，大如半杯，上下腹中苦痛，連兩脇下上，引心而煩，害飲食，欲嘔吐，胸及腹中不得太息，腰背重，喜臥，盜汗，足酸削，久立而痛，小便失時，忽然自出，若失精，月水閉塞，大便澀。

常用療燥癢導方——大黃三錢，乾薑二錢，黃連一錢，桂心一錢，厚朴一錢，郁李仁一錢，麝蟲一錢，雞內金一錢，共爲細末，治法如前二導方。

凡用導方，俟惡血畢出，乃洗以溫水，三日勿行房事。

血癩者，婦人月水新下未滿日數而中止，因飲食氣盛過度，五穀積氣溢入他臟，若大肌寒，呼吸不足，呼吸未調，而自勞動，血下未定，左右走腸胃之間，留絡不去，內有寒熱與月水會合，爲血癩之聚，令腰痛不可俯仰，橫骨下有積氣，牢如石，小腹裏急苦痛，背脊痛，深達腰腹下擊，月水不時，乍來乍不來。

常用療血癩方——大黃三錢，當歸二錢，山茶萸一錢，皂莢一錢，細辛一錢，戎鹽一錢，共爲細末，治法如前章導方。

脂癢者，婦人月水不來，若未滿六十日，胞門傷，子戶失禁，關節散，五臟六腑，津液流行，陰道晦動，百脈關樞四解，外不見其形，子精與血氣相通，犯禁，子精化，不足成子，則爲脂癩之聚，令人支滿裏急，痺引小腹，重腰背，如刺痛狀，四肢不舉，飲食不甘，臥不安席，左右走腹中切痛，時瘥，時甚或時少氣，頭眩身體解散，苦寒惡風，膀胱麻痺，循環障礙，不如常度，大小便血不止。

常用療脂癩導方——皂莢三錢，礬石二錢，五味子一錢，蜀椒一錢，乾薑一錢，大黃一錢，戎鹽一錢，細辛一錢，共爲細末，治法如前數導方。

狐癩者，婦人月水當日會來，而有悲哀憂恐，若兼遠行逢暴雨急風，雷震驚恐，衣被沉濕，罷倦少氣，心中恍惚未定，四肢懈惰，寤寐如氣絕，精神遊亡，濁氣入於陰墓不去，則生狐癩之聚，令人月水忽不通，少腹瘀滯，胸膈腰背痛，陰中腫，小便難，胞門子宮不受男精：

治狐癩當用狐癩湯——大黃三錢，黃芩二錢，芒硝一錢，甘草一錢，烏賊魚骨一錢，皂莢一錢，空心服之，癥當下。

蛇癩者，婦人月水已下，新止，未復，胞門子戶勞傷，陰陽未平，榮衛分行，若其起行當風，及涉泥塗，因衝寒太早，若作濕地，若飲井之水，食不潔之物，吞蛇之精，留絡不去，因生蛇癩之聚，其形長大在臍上下，牽連左右脇不得吐氣，兩股脛間苦疼，小腹多熱，小便赤黃，膀胱牽引陰中變急，腰間俱痛，難以動作，喜發寒熱往來，月水或多或少，其癩似手足形者殺人，未成可治。

當用蛇癩散——大黃三錢，乾薑二錢，側子一錢，附子一錢，人參一錢，驢蟲一錢，桂心一錢，細辛一錢，土蛆一錢，瓦楞一錢，共為細散每付三錢，以黃酒送服。

鼈癩者，婦人月水新至，其人勞動劇作，汗作衣服濕潤，不以時去之，若當風睡，恍惚覺悟，蹶立未安，顏色未平，復思所好，心為之開，魂魄感動五內銳消，又入水洗沐浴，不以時出，而神不守，水物之精與邪氣俱入陰戶之中，流絡不去，因生鼈癩之聚，大小不等，小腹內切痛，惡氣走左右上下，腹中若痛，若在若亡，推之躍手，下引陰裏，腰背亦疼，不可忍，月水不通，面目黃黑，脫聲少氣，有此病者令人絕子，有手足成形者殺人，未成者可治。

當用鼈癩散——即上方蛇癩散加穿山甲，鼈甲，共為細散，每付三錢，黃酒送下。

(論腹中瘀血癥) 婦人月水否塞不通，或產後餘穢未盡，因而乘風取涼，為風冷所乘，而得冷則成瘀血矣，血瘀於內，則時時體熱面黃，瘀久不消，則為禍劇矣。

若鬱結傷脾，當用歸脾湯。

若恚怒傷肝，當用逍遙飲。

若肝脾虛損當用六君子湯加柴胡。

若胃經虛弱當用補中益氣湯。

大凡腹中作痛，畏手按者，此內有瘀血，若形體如常，屬病氣元氣俱實。

常用桃仁承氣湯——桃仁三錢，大黃二錢，芒硝一錢，甘草一錢，桂枝一錢。

若痛而肢體倦怠，飲食少思，此脾胃受傷，屬元氣不足，病氣有餘，用當歸飲調合之。

若痛而喜手按腹，形體倦怠，飲食少思，此形氣病氣俱不足，用六君子湯加乾薑，川芎，當歸，純補之。

能痛而大便不實，飲食難化，此脾胃虛寒，用六君子湯，加乾薑一錢，肉桂一錢，溫散之。

若痛而作嘔，少食，此脾胃虛弱，用六君子湯，加乾薑一錢，藿香一錢。

能痛而嘔吐不食，泄瀉，用六君子湯加乾薑一錢，肉桂一錢，若兼手足自汗，加浮小麥一兩，此症多有因攻伐而致者。

(論積食癥) 婦人痞食癥，屬腑虛弱，月候來時，食生冷之物，脾胃既虛，不能消化，與穢氣相搏，結聚成塊，日見生長，盤牢不移，故謂之癥癥也。「此症西醫良為消化不良炭氣過多」。

(續論痞食癥) 此症若形氣弱，須先調補脾胃爲主，而佐以消導，若形氣充食，當先疏導爲主，而佐理脾胃，若脾氣壅，血滯而不行者：

當用烏藥散——烏藥三錢，蓬朮二錢，桂心一錢，當歸一錢，桃仁一錢，青皮一錢，木香一錢，共爲細散，黃酒送下。

脾氣虛而血不行者，宜用六君子湯加川芎一錢，當歸一錢，補而行之。

若脾氣鬱血而不行者，宜用歸脾湯——方見婦科第二章，用此湯治法係解而行之。

若脾肝血燥而不行者，宜用加味逍遙飲——方見婦科第二章，用此湯係清而行之。

大抵食積痞塊之症，爲有形，蓋邪氣勝則實，真氣奪則虛，當養正開邪，而積自除矣，雖然堅者削之，容者除之，胃氣未虛，或可宜用，若病久虛弱者，不可輕試也。

(論血癥) 婦人寒熱失節，臟腑氣虛，風冷在內，飲食不消，與氣血相結，漸顯塊成形，盤牢不移動者也，皆因氣血勞傷，月水往來，經絡痞塞，惡血不除，結聚所生，久而不癒，則心腹兩脇痛苦，害於飲食，肌膚羸瘦，脊悶煩燥，迷妄發狂，痰涎汗多，骨蒸肢冷，其重在下部者，必臍下結急，外熱而內痛。

當用靈脂湯——靈脂三錢，桃仁二錢，生地一錢，牛膝一錢，大黃一錢，甘草一錢。

停經新論

王景賢曰：

(定義) 所謂停經者，月經應來而不來之謂也，除妊娠授乳及老年經斷之生理停經外，皆謂之停經，故停經亦為病理之現象也。

(原因) 本症原因，有續發性及原發性二種：續發性多由於結核症，貧血症，萎黃病，肥胖病，糖尿病，及慢性嗎啡中毒，酒精中毒等而起；原發性則由於血崩，便血，吐血，失血，過多等，及驚恐悲哀等精神上之激動，或月經期中攝生不慎，誤以冷水洗浴，及偶罹感冒等而起，此外如女性內分泌之缺損，亦為本症之一大原因。

(症狀) 隨其原因而異，由於續發性者，除月經停閉外，其原有症狀依然存在，惟局部則無甚症狀，有之亦僅稍覺不舒而已；而原發性之停經，因失血過多而致者，雖局部亦不發生任何症狀，必見顏面蒼白眩暈，耳鳴等症，其因精神上之激動而致者，則稍有自覺之局部症狀，——腹下部有痛感下墜等，但亦有不呈局部症者，未可一概視之也，其因經期不慎而致者，多見腹下部絞痛重墜，疲勞，頭痛，眩暈等症狀，甚至呈惡寒發熱，噁心嘔吐，脈搏頻數，四肢厥冷等症者有之。

(療法) 本症療法，可分為二類：

甲，除去其所以停經之原因，以恢復子宮之生理作用狀態。

乙，使內生殖器充血，以催進子宮及卵巢之機能。

此外如營養之不良者，對於飲食起居，尤當特別注意，宜多攝取富含養料之食物，或常作戶外運動。

(處方) 停經之原因既多，其處方自亦不能一律，茲根據前述治療之原則，亦約分為二類：

甲，除去其原因之處方：

- 一，由於續發性——各隨其所患之症，施以適當之處方，治愈其所患之症，則其經自行矣。
 - 二，由於失血過多——宜四物湯，養榮湯，衛生湯，十全大補湯，小營煎，調經湯，五補丸，柏子仁丸，澤蘭湯等。
 - 三，由於精神激動——宜艾附丸，開鬱二陳湯，香沙丸，逍遙散等。
 - 四，由於攝生不慎——宜破結丸，和血通經湯，紅花當歸散，牛膝散，溫經湯，桂枝桃奴飲子等。
- 乙，使內生殖器充血之處方：

抵當湯，玉燭散，通經活血湯，三稜丸，土牛膝散，當歸乾漆丸，通經丸，萬病丸，琥珀散，反經丸，紅花當歸散，千金桃仁煎，歸朮湯，神應丹，掌中金丸，大黃朴硝湯，一粒仙丹等，均有使內生殖器充血，以催進子宮及卵巢機能旺盛之作用也，（上列方均見金匱要畧）

浮腫證治（西醫名為泌尿器障礙水腫，亦有心臟性水腫者）

婦人經水不通，則化為血，血不通復化為水，故先因經水斷絕，後至四肢浮腫，致小便不通，名曰血分：

常用椒仁湯——椒仁三錢，續斷二錢，甘遂一分，附子一錢，郁李仁一錢，牽牛一錢，五靈脂一錢，當歸一錢，吳茱萸一錢，延胡索一錢，石膏一錢。

若先因小便不通，後身面浮腫，致經水不通，名曰水分：

常用葶藶飲——葶藶三錢，續隨子二分，乾芥末一錢。

此症或因飲食起居失養或因六淫七情失宜，以致脾胃虧損，不能發總攝之力，氣血乖違，行失常道，上述血分水分二病

，皆屬形氣不足，邪淫隧道，必用此等藥以宣導其邪，而佐以補轉元氣之劑，庭使藥力有所仗而行，則邪自不能容，而真氣亦不至於復傷矣，大凡月水不通，凝結於內，久而變為血癥，血水相併，亦為水腫。

若婦人平素虧損已極，經水斷而後腫，乃瘀血化水閉塞胞門，比水腫更難治，但能調其經則水自消：

當用小調經飲——當歸三錢，赤芍二錢，桂心一錢，沒藥三錢，琥珀一錢，甘草一錢，細辛半錢。

先浮腫而後經水不通，乃脾不能致血，與水並浮，肌肉為之虛腫：

當用大腹皮飲——大腹皮三錢，防已二錢，木通一錢，厚朴一錢，括樓一錢，黃耆一錢，枳殼一錢，桑白皮一錢，陳皮二錢，大黃一錢，五味子一錢。如兩脚亦同時浮腫：

當用桑白皮飲——桑白皮三錢，郁李仁二錢，赤茯苓一錢，木香一錢，防已一錢，大腹皮一錢，蘇子一錢，木通一錢，枳殼一錢，青皮一錢。

前陰諸疾證治

(陰戶各症西醫謂由手淫，赤白帶，蟻蟲寄生，食血，糖尿，淋病，梅毒等，皆能致之，則陰門內部發炎傳於淋巴管，或絲狀蟲壅滯淋巴管，皆能致之。)

(論陰戶腫痛) 婦人癢癢，一名便癢，一名便毒，俗名痞子，或肝經濕熱下注，或鬱怒傷損肝脾，其外證，或兩拗小腹腫痛或玉門厥腫作痛，或寒熱往來，憎寒壯熱，其內證，或小便澀滯，或腹內急痛，或小腹痞悶，或上攻兩脇，或肺熱重墜：

當用龍膽瀉肝湯——龍膽草三錢，澤瀉二錢，車前子一錢，木通一錢，當歸一錢，生地一錢，山梔子一錢，黃芩一錢，生甘草一錢，玉門腫脹甚者，加木香一錢。

若婦人氣血虛弱，而陰腫：

當用補中益氣湯。陰戶兩旁腫痛，手足不能舒伸者，用四物料入乳香末，同搗或餅，納陰中立效。

陰痛腫極便秘欲死：

當用四物湯加柴胡一錢，山梔一錢，牡丹皮一錢，龍膽草一錢。

婦人陰腫，因胞絡索虛，風邪客之，汽於陰部血氣相搏故也：

當用四物湯加藥本一錢，防風一錢。

（論陰癢生蟲）婦人陰癢者，是蟲蝕所爲，蟲在於腸胃之間，因臟虛蟲動作蝕於陰內，其蟲作熱微則爲癢，重者乃痛也，此症屬肝經所化：

當內服龍膽瀉肝湯，外用桃仁，研粉和雄黃末和雞肝，納陰中以制其蟲，

婦人胸膈不利，內熱作渴，飲食不甘，肢體倦怠，此肝經受鬱怒所傷：

當用歸脾湯加山梔仁。

婦人陰內腫癢，不時出水，食少倦怠，此肝脾氣虛。濕熱下注，當用歸脾湯加丹皮。

（論陰癢生蟲）婦人陰內癢痛，內熱倦怠，飲食少思，此肝脾鬱怒元氣虧損，濕熱所致：

當用療陰湯——人參三錢，黃耆二錢，當歸一錢，白朮一錢，陳皮一錢，柴胡一錢，梔子一錢，車前子一錢，升麻一錢，白芍一錢，丹皮一錢，茯苓一錢。

(論陰戶生瘡) 婦人陰中生瘡，名曰巖。或痛或癢，膿水淋漓，皆由心神煩鬱，脾胃虛弱，致血氣留滯耳，內經云，諸痛瘡癢，皆屬於心，有翻突於餅，俗呼陰菌亦有如雞冠花，其內證口乾內熱，體倦，經候不調，或飲食無味，晡熱發熱，胸膈不利，胸脇小腹俱痞脹，小水淋漓。

當內服補中益氣湯，外用麻黃湯洗方——麻黃三錢，黃連二錢，蛇牀子一錢，艾葉一錢，烏梅一錢，煎湯洗之。

(論陰冷) 婦人陰冷，因勞傷於臟，風冷客之也。


陰冷有肝經濕熱，外乘風冷所致，若小便澀滯，或小便痞痛，用龍膽瀉肝湯。

若寒熱往來，經候不調，用加味逍遙飲。

若體倦少食，鬱怒發熱，用歸脾湯。

(論陰挺) 婦人陰挺下脫，或因胞絡傷損，或因子臟虛冷，或因分娩用力所致，其病陰中突出如菌，四周腫痛，小水淋漓，重者突出二三寸間痛重墜。

當先以補中益氣湯加山梔一錢，茯苓一錢，車前子一錢，青皮一錢，以清肝火升脾氣，外以生豬脂和麩蘆末塗而收之，自然痊愈。



104 336

天津國醫學院編
新國醫講義教材

友

婦 女 科 卷 二

專發學員功課
非賣品

院址：天津英租界三十二號路義慶里八號
院長：尉 稼 謙

新國醫講義教材 婦女子科卷二

妊娠之研究

人類之生存，初不能免於天地間新陳代謝之通規，故其生存期中，岌岌焉惟圖造出新生體，以爲異日代興之體，則新生體之造出，通常謂之生育，然生育之原，原於妊娠，妊娠云者，乃男女於發育完全無缺之時代，經交接以後，始有妊娠之機會，故妊娠雖似屬於女子，然使男子而生殖器有所缺損，則亦不能使對方之女子，有妊娠之機會，即或男女生殖器並皆發育良好，而精蟲與卵子，無相值之機會，亦不能妊娠，此妊娠之研究，所以不容忽畧也。

(甲) 妊娠之機會 妊娠之機會，普通皆由於男女兩性之愛悅，經過交接之後，而男子起射精之作用，因精蟲之內進而與卵巢之卵子相會合，即爲受孕。

(乙) 妊娠之通規 (一) 屬於年齡方面者，內經曰，女子二七而天癸至，任脈通，太衝脈盛，月事以時下，故有子，丈夫二八腎氣盛，天癸至，精氣溢瀉，陰陽和，故能有子，是發育之標準年齡，女爲十四，而男有十六歲也，至此年齡，則能生殖，然此不過就吾中土而言，非可一概而論也，以氣候之變遷言，則熱帶之人較寒帶爲早，故熱帶之地，往往十齡以上之女子，即已抱子，而寒帶之人，迄十五歲以上，猶未發育也。(二) 屬於交接方面者，經有之曰，男女構精，萬物化生，交接之目的，既爲生殖，故交接一道，必須加以注意，則生兒必強，他若其心傍鶩，或半途受驚，或半途力疲，皆足以造成不良之胎兒，至於醉後飽後，勞力之後，操心之後，皆非交接之時期也。(三) 屬於器官方面者，大凡男女交接，精蟲由陰道內



行，更進而達於輸卵管，而卵子因哥拉伊甫甫氏胞之破裂出卵巢，經輸卵管而來於子宮，於此經過中，卵始與精蟲相會方面受孕焉，然卵子與精蟲會合處，非有一定，通常皆在子宮之內，或則於輸卵管相會合，或竟通過喇叭管而直達於卵巢也。

(丙) 妊娠之經過 精蟲與卵子會合，謂之受孕，然當卵子成熟之成，未會之先，已起一定之變化，即其判然胚胞，已全不明，更經過一定之時，則現紡錘形之物質於端，內容之顆粒，為放線狀而並列，是即為胚胞所發生變化之結果也，逾時而後，此紡錘狀物分裂，半出卵外，半為圓形，而存於中央，稱之為女性前核，起此變化而後，與精蟲會合，則精蟲之頭部入於卵內，尾部在於外部而漸漸消失，精蟲之頭部，乃類似於核之性質，入於卵內，為圓形而現出，此精蟲之頭，稱為男性前核，此核漸漸來於中央，與女性前核相合，成為一新核，其周圍有多數之小顆粒，迨新成之核，次第顯分裂之現象，稱之為分裂核，此核最初分為二，繼乃由二而四而八，順次以倍數而分裂，同時而分裂核以外之內容，亦並行分裂，故內容之全部，次第增加，卵黃亦膨脹，由於如斯之分裂而生多數之球狀物，稱之為分裂球，旋有若干迅速之變化，堆積而成為厚層，繼乃分為三層，上層名為上葉，中層名為中葉，下層名為下葉，人身之各部分，與包裹之膜，均由此而被生焉。

受孕之卵，平常附着於子宮底之粘膜上，於時子宮粘膜，大為肥厚，由卵子之周圍延長，遂至包裹卵子，稱為蛻落膜，就中在卵子與子宮壁之間之部分，稱之為床蛻落膜，即後來生母體胎盤之處也，而包裹卵子之部，稱為翻轉蛻落膜，子宮粘膜而最肥厚之部，稱為真蛻落膜，翻轉蛻落膜之內面，生胚胎膜，以圍擁卵子，胚胎膜之中與床蛻落膜一致之部分，稱為囊狀胚胎膜，有分歧為樹枝狀之絨毛，成為胎兒胎盤，嵌入於母體胎盤之內面，而生真正之胎盤，其他各部，皆稱為平滑胚胎膜，胚胎膜之內面，有名為羊膜者，成一大囊，而包裹胎兒，其內羊水充滿，胎兒浮游於羊水中，及妊娠之時期日遠，則

羊膜漸漸膨大，遂充盈於子宮腔，子宮腔亦隨妊娠時期之經過而增大，而陰道漸狹，粘液之分泌甚盛，外陰部則稍變呈紫色云。

妊娠之後，子宮逐月有變化，而乳房於妊娠二月，即漸次膨大，溫度增高，別成一種之性質，故馴熟之產科醫士，對於妊娠之決定，恆於二三月內檢視乳房即知，至第四第五月，則膨大益甚，乳旁量變為茶褐色，壓迫之，則分泌透明水樣之液，若關於全身狀態之變化，其最著者則下腹頗見膨脹，及漸近於妊娠之末期，則全腹部皆向前方膨出，故孕婦上體，常反而於後，以維全體之平衡，又腰部臀部上體等均較平時而短，而呼吸亦為之稍速，下腹之中央，生紫褐色之縱線，皮下則生多數之癢痕樣線，以上諸變化之外，尚有如下列之變化者，此變化若起於非妊娠之人，則為疾病無疑，而在孕於婦，則決非病徵，且恆於短時日之間，即就消失，蓋通常所謂惡阻之類是也，其有短時間不能消失者，則於分娩後直接消失之，其變化為

- (一) 神經系發生變化，有齒痛頭痛脈痛等，時時覺身體發熱，又有夜育，弱視重聽，腦部充血，睡眠不安等現象，感情變易，往往悲從中來，不知涕泗之何從，記憶力銳減，心志憂鬱種種現象，竟有與平時迥殊者，至全無變象，活潑自然者，恆居少數，
- (二) 消化器亦起變化，嘔吐惡心，平時對於飲食物之嗜好，至是忽爾相反，或有嗜生米土炭等物者，唾津分泌甚多，而易起便秘。
- (三) 泌尿器頻催尿意，於將達月時為尤甚。
- (四) 血液之循行，亦起變化，故發眩暈嘔血恐怖胸內苦悶心悸亢進等狀。

(論胎前調理法)受孕之後宜令鎮靜則氣血安和，須內達七情，外避五味，大冷大熱之物，皆在所禁，使霧露風邪，不得接觸而入，亦不得交合陰陽觸動慾火，務簡節飲食，苟無胎痛胎動瀉痢風寒外邪，不可輕易服藥，在不得已時服藥，亦不必

多，然父少母老產女必羸，母壯父衰產女必強，推之產男亦然，此皆當知者也。

（論胎前用藥法）胎前當清熱養血，產婦因火逼胎胎，逆上作喘急者，急用黃芩香附之類為求調下，黃芩安胎，乃上中二焦藥，能降火下行，黃芩一錢，白朮一錢，乃安胎聖藥，俗以黃芩為寒不用，反用溫熱藥，以為能養胎，殊不知胎孕宜清養血，使血循環而不妄行，乃能養胎，懷妊嗜物乃一臟之虛，如愛食酸物，乃肝臟不能養胎而虛也。

（孕婦藥忌歌）蛇斑水蛭與麻蕪，烏頭附子配天雄，野葛水銀並巴豆，牛膝薏苡及蜈蚣，三稜代赭羌花麝，大戟蛇脫黃雌雄，茅硝芒硝丹皮桂，槐花牽牛皂角同，半夏南星與通草，枳麥乾薑桃仁通，補砂乾漆蟹之爪，地膽茅根莫用好。

（孕婦起居忌）勿亂服藥，勿過飲酒，勿妄針灸，弗向非當地便，勿舉重登高涉險，有大驚犯之難產，必類癩，勿多睡臥，時時步行，勿勞勿過衣，勿太溫，食勿太飽，若脾胃不合，榮衛虛怯，生子必羸弱多病也。

（惡阻）——西醫論婦人孕卵，至於子宮底栽植後，子宮壁發生胎盤之組織，其周圍則生假膜，五十天或六十天，則因胎之發育，牽動胃部感覺神經，而起嘔吐。——惡阻謂嘔吐惡心，頭眩惡食擇食是也，凡婦人虛羸血氣不足腎氣又弱，或皆風飲冷太過，心下有痰，欲有胎而病阻，所謂欲有胎者，其人月水尚來，顏色肌膚如常，但苦沉重憤悶，不欲飲食，又不知其患所在，是則欲有胎也，如是經二月後，便覺不通，則結胎矣，及經血既閉，水滯於臟，鬱氣不宜通，故患心中憤憤，頭重眼眩，四肢沉重，憊憊不欲動作，惡聞食氣，欲噉鹹酸果實，欲臥少起，甚至吐逆，不能自勝也。

當用陳皮湯——陳皮三錢，白朮二錢，熟地一錢，旋復花一錢，桔梗一錢，人參一錢，白芍一錢，川芎一錢，甘草一錢。紫蘇一錢，黃芩一錢，竹茹一錢，生薑一錢，如惡阻重，頭痛，全不入食，服諸藥不效者。

常用歸元湯——人參三錢，當歸二錢，丁香一錢，白朮芎一錢，甘草一錢，茯苓一錢，白朮一錢，陳皮一錢，桔梗一錢，枳殼一錢，生薑一錢。

(附西醫論惡阻) 夫婦人受孕之後，血液羣聚子宮，汎水亦不時下，所以供給養胎之需也，然因血液墜于子宮，遂致上部貧血，則上脘蠕動遲緩，而起消化障礙，稽滯于中，最不能食，下部充血，則激動子宮收縮，而起反射作用，上衝於胃，故令嘔吐，其嘔吐所以甚於晨起之時者，以夜臥則體工專營于內，下部充血益甚，晨起則頭腦動搖于上，上部貧血亦甚，故于晨起之先，先進飲食，或可減免其嘔吐，因食後血多往胃，以助消化，則減少子宮內所墜之血也，其嘔吐所以愈于四月後者，以四月以後，胞衣臍帶已得生成，營養胎兒之血液，由臍帶往來運輸，自成一種循環機能，受有規定之營養，無羣聚之弊害，故無惡阻之患也。

(論胎動不安)——西醫謂由於子宮虛寒，營養缺乏，胎氣發育障礙。——妊娠胎動不安者，由衝任經虛，受胎不實也，亦有飲酒房勞過度，損動不安者，有誤擊觸而胎動者，有喜怒哀鬱不舒，傷於心肝，觸動血脈者，有信醫官服煖補反爲藥所害者，有因母病而胎動者，但治母病，其胎自安，有胎不堅固動及母病，但當安胎，其母自愈，當以母形色察之，若面赤舌青，兒死母活，面青舌赤，口中沫出，母死子活，若唇青兩邊沫出者，子母俱死。

常用安胎湯——白朮三錢，當歸二錢，黃芩一錢，甘草一錢，川芎一錢，白芍一錢，桑寄生一錢，鈎藤一錢，阿膠一錢，艾葉一錢，氣虛泄瀉加入參一錢，陳皮一錢，潮熱加柴胡一錢。

(論妊娠漏血)——西醫謂由於母體羸弱，胎之胞膜不全，子宮內微血管，偶然出血。——夫妊娠漏血者，妊娠數月，

而經水時下也，此由妊娠之人，衝任脈虛，不能納制，經血之故也，衝任之脈，有經絡之海，起於胞內，其經血上爲乳汁，下爲月水，有妊之人，經所以斷者，垂之養胎，蓄之爲乳汁也，衝任氣虛，則胞內泄不能制其經血，故月水時下，亦名胞漏血，血盡則斃矣，又有因勞役喜怒哀樂，不節飲食，盛冷觸冒爲寒，遂致胎動，若母有宿疾，子臟爲冷風所乘，氣血失度，使胎不安，故令下血也。

常用加味艾膠湯——阿膠三錢，艾葉二錢，當歸一錢，川芎一錢，白芍一錢，地榆一錢，甘草一錢，漏血若起於氣惱血逆火動之故，可加炒黃芩，炒香附，炒砂仁，研並共煎，或有受胎六七月漏血者，宜於煎方艾膠湯中去艾葉，地榆，加白朮一錢，黃芩一錢，茯苓一錢，熟地一錢，續斷一錢，若氣虛則用艾膠湯本方加人參，黃耆，如胎漏下血不多，但時時下血，連連不已者：

常用大全湯——雞蘇三錢，竹茹二錢，當歸一錢，熟地一錢，艾葉一錢，續斷一錢，阿膠一錢。

如因房事胎漏下血者：

常用枳殼湯——枳殼三錢，黃芩二錢，白朮一錢，煎藥時加酒少許爲引。

若妊娠忽暴下血數升，甚危急者：

常用榆白皮飲——榆白皮三錢，熟地二錢，當歸一錢，生薑一錢，葵子一錢。

若肝經風熱，致胎漏血崩，便血，尿血，同時並作：

常用防芩二味湯——防風一錢，黃芩一錢。

附治胎漏簡便方——取桃樹上乾不落桃子，燒灰，和水送服，甚效。

(論煩躁) 妊婦若煩悶者，以其母心驚膽寒，多有煩悶，名曰子煩，夫妊娠而子煩者，是肺臟虛而熱乘於心，則令心煩也，停痰積痰伏在心胸之間，或衝心臟亦令心煩也，若熱而心煩者，但熱而已，若有痰飲而煩者，嘔吐痰涎稀沫，惡聞食氣，煩躁不安也。

大凡妊娠之人，既停痰飲，又寒熱相雜，氣鬱不舒，必定嘔吐涎沫，重則胎動不安矣，煩悶之症非爲小病也，本病若因內熱：

當用竹葉湯——竹葉三錢，白雲茯苓二錢，杭麥冬一錢，口防風一錢，枯黃芩一錢，瓜絡一錢，陳皮絲一錢。

本病氣逆用紫蘇飲

紫蘇子三錢，大腹皮二錢，川芎一錢，白芍一錢，陳皮一錢，當歸一錢，人參一錢，絲瓜絡一錢。

本病痰滯用陳枳湯

陳皮三錢，白朮二錢，黃芩一錢，枳殼一錢，絲瓜絡一錢，乾橘絡一錢。

本病氣鬱，用上方紫蘇飲，多用川芎。

脾胃虛弱用紫菀諸子湯

紫蘇三錢，梔子二錢，人參一錢，白朮一錢，茯苓一錢，甘草一錢，陳皮一錢。

煩躁口乾者，乃因脾臟之氣通於口，心臟之氣通於舌，若臟腑氣虛榮衛不理陰陽隔絕，熱乘於心脾，津液枯少，故令心

煩而口乾也，與子煩大同小異，此症：

常用知母飲——知母三錢，麥冬二錢，赤茯苓一錢，黃芩一錢，黃柏一錢，甘草一錢。

(論妊娠心腹脹滿)——西醫謂懷孕因腹內瓦斯過脹，飲食消化不良，影響及於子宮。——妊娠心腹脹滿者，由腹內素有寒氣致令停飲重飲，觸冷飲發動，與氣相爭，故令心腹脹滿也。

本病若外感風寒，內傷飲食，用減味藿香正氣湯——藿香梗三錢，大腹皮三錢，紫蘇葉一錢，甜桔梗一錢，甘草一錢，生薑一錢，枳殼一錢，白芷一錢。

本病若食傷脾胃，用六君子湯，但須去半夏為宜。

本病若火氣滯，其氣逼上，用紫蘇飲。

曾有一婦人妊娠飲食停滯，心腹脹滿，別醫用山楂，青皮之屬，其服益甚，其胎上攻，惡心不食，編者診之，曰，此乃脾土不足，肝木所侮，遂用六君子湯去半夏，加升麻，柴胡而愈，後小腹痞悶，用補中益氣湯升舉脾氣而痊。

(論妊娠心痛) 妊娠心痛，乃風邪痰飲交結，若傷心正經，為真心痛，且發夕死，為不治之症，若傷心支絡則乍安乍作，若傷於子臟，則胎動下血。

本病若飲食所傷，用平胃散加枳殼一錢，山楂一錢。

妊娠心痛煩熱作渴，當用白朮湯：

白朮三錢，黃芩二錢，赤芍藥一錢。

如因停食，胸腹脹滿，按之則痛，當用平胃散加枳殼，山楂。按之不痛，乃胃受傷；

當用六君子湯減去半夏。

(附告) 如胎前病，必需用半夏者，不遠一錢，則不致傷胎。

(論心腹痛) 妊娠心腹痛者，或由宿有冷痛，或感觸風寒皆由臟虛而致痛也，邪正相擊而並於氣，隨氣上下，上衝於心，則心痛，下攻於腹則腹痛，故令心腹痛也，妊娠而痛者，邪正二氣交攻於內，重者其痛衝激包絡，必致動胎，甚則墮也。

妊娠心腹疼痛多是風寒、濕冷、痰飲，與臟氣相激，故令腹痛，攻衝不已，甚則胎動也；

當用當歸芍藥飲——白芍三錢，當歸二錢，茯苓一錢，白朮一錢，澤瀉一錢，川芎一錢，香附一錢，若飲食停滯，用四君子湯，加柴蘇一錢，柴胡一錢，枳殼一錢。

若怒動肝火，於前方更加山梔子。

若鬱結傷脾用歸脾湯。

若妊娠心腹作痛，嘔吐痰水，邪氣上攻，飲食少思，此脾虛氣滯而為痰；

當用四君子湯加木香，柴胡，枳殼。

(論小腹痛) 妊娠小腹痛者，由脈絡虛，風寒相搏痛甚，亦令胎動也。

本病若風寒相搏，用柴蘇飲，加生薑，氣血虛用八珍湯——即四君合四物湯，脾氣虛用四君子湯，若中氣虛用補中益氣

湯。

若腹痛甚，用安胎和氣飲——訶子肉三錢，白朮二錢，陳皮一錢，高良薑一錢，木香一錢，白芍一錢，炒陳米一錢，生薑一錢，甘草一錢。

腰腹及背痛 (西醫名爲孕期神經痛兼坐骨神經痛)

腎足腰足俱健，腎虧腰足俱虧，因勞傷損動其經虛，則風冷乘之，故腰痛，冷氣乘虛入則腹腹痛，故令腰腹相引而痛，其痛不止，多動胎氣，婦人腎以繫胞，妊娠而腰痛甚者，則胞墮也。

本病若外邪所傷，用寄生湯——桑寄生三錢，當歸二錢，獨活一錢，川芎一錢，艾葉一錢，生薑一錢。

本病如因傷損元氣，脾腎不足，用加味八珍湯——人參三錢，白朮二錢，茯苓一錢，甘草一錢，熟地一錢，當歸一錢，白芍一錢，川芎一錢，杜仲一錢，薏仁一錢，補骨脂一錢。

氣血鬱滯，用紫蘇飲加桔梗一錢，枳殼一錢。

肝火所動用小柴胡湯加白朮一錢，枳殼一錢，山梔一錢。

本病如因肝火鬱結用歸脾湯加柴胡一錢，枳殼一錢。

妊娠頸項強直，腰背作痛，此膀胱經風邪所致，用寄生湯。

曾有一婦人懷妊八月，嘗病腰痛不能轉側，大便燥結，他醫用人參等補劑，痛益益，用硝，黃等通利之藥，燥結雖行而痛如故，延編者診之曰，血熱血滯也，遂用四物湯加木香一錢，乳香一錢，沒藥一錢，黃柏一錢，麻仁一錢，痊愈。

(治妊娠脹腹背痛簡便方)葱白不拘多少濃煎汁飲之。

一方用薑湯汁和酒飲之。

一方艾葉一把，以酒煮之，飲之皆有效。

論胎水腫滿 (西醫謂受孕母體循環分泌二系障礙，遂致腫脹。)

妊娠腫滿由臟氣本弱，因妊重虛，土不尅水，血散於四肢，遂致腫脹，手足面目皆浮腫，小便秘澀，又有宿有風冷寒濕，妊娠脚重，俗呼爲皺脚，亦有通身腫滿心腹急脹，名曰胎水腫滿病。

凡妊娠之人，無使氣極，安心靜氣，和則胎氣安穩，若中風寒邪氣，及有所觸犯，則隨邪而生病也，凡妊娠而經血壅閉以養胎，若忍然虛腫，乃胎中挾水，水血相搏，脾胃惡濕，身之肌肉，濕滯氣弱，則肌肉虛，水氣流溢，故令身腫滿也，然其由有自或因泄瀉下痢，臟腑虛滑，耗損脾胃，或因寒熱瘧疾，煩渴，引飲太過，濕滯脾胃，皆能使頭面或手足浮腫也，然水漬於胞，兒未成形，則胎多損壞，及臨產日脚微腫者，乃胞藏水少血多，水出於外，故現微腫則易生也，宿有寒氣因寒冷所觸，故亦能令脹滿腫滿也。

本病若胸滿腹脹，小便不通，遍身浮腫，便目虛浮，肢體如水氣：

當用白朮飲——白朮三錢，茯苓二錢，陳皮一錢，生薑皮一錢，大腹皮一錢，桑白皮一錢。

本病如腹悶甚小便赤：

當用千金鯉魚湯——當歸三錢，白芍二錢，白茯苓一錢，白朮一錢，橘紅一錢。

另用鯉魚一尾，白水洗淨，去鱗，白水將魚煮熟，去魚用汁再和以上諸藥煎服。

〔簡便方〕豬苓，爲末，熱水調服神效。

論傷食（西醫名爲消化不良）

內經云，飲食自倍，腸胃乃傷，又云陰之所生本在五味，陰之五宮，傷在五味，若妊娠飲食不節，生冷之物恣性食噉，致傷脾胃，故妊娠傷食，最難得樂，蓋吾人脾胃之氣壯，則過時而不飢，多食而不傷，蓋胃主司納，脾主消化，五臟之本也，然食倍而傷者乃脾氣虛而不化也，若授以酸劑，則胸胃復傷而胎亦損矣，當審其陰血之根本而調治之。

妊娠傷食，最平穩之方：

常用阿子皮湯——阿子皮三錢，白朮二錢，紫蘇一錢，人參一錢，白芷一錢，川芎一錢，青皮一錢。

論中惡（西醫名爲神經鬱結，氣道不通。）

夫妊娠忽然心腹刺痛悶絕欲死者，謂之中惡，蓋因邪惡之氣，中於胎而傷人也。

所以然者，萬血氣自養，而爲精神之主，若血氣不合則精神衰弱，故邪毒之氣得以中之，妊娠病此，多致損胎也，施治之法，當調補正氣爲善，當用金銀藤一味煎湯飲之。

重者用當歸飲治妊娠中惡心腹痲痛——當歸三錢，川芎二錢，青皮一錢，吳茱萸一錢，熟地一錢，枳殼一錢，木香一錢，桔梗一錢，生薑一錢。

〔簡便方〕治妊娠中惡，心腹絞急切痛，用艾葉煮濃汁服之甚效，一方用鹽炒碎末，和陰陽水服之，一方用皂心土爲末，

白水調服甚效。

論傷寒（西醫名爲流行性感冒）

凡妊娠傷寒，六經治例皆同，但要安胎爲主，凡藥中有犯胎者，則須躲避，如藿香正氣湯，參蘇飲，小柴胡湯之類，有半夏能犯胎者，如用該方必須少用，如痰多嘔逆，非用不可時，以半夏曲則可，其他如川烏，附子，天雄，側子，肉桂，乾薑，大黃，芒硝，堯花，甘遂，大戟，蜀漆，水蛭，蝨蟲，桃仁，牡丹皮，代赭石，枳麥，牛膝，等類之物，皆動胎之藥，凡用此等藥時，必須酌量，仔細詳之，大抵妊娠傷寒，合用湯劑，必加黃芩，白朮，二味煎湯與之，或爲細末，白水調下二三錢。

凡妊娠寒裏弱者，藥中四物湯佐之，不可缺也，且如用小柴胡湯，半夏必須少用，再加白朮合四物湯用之，可以保胎除熱也，其效如神，餘皆仿此用之則妙矣。

妊娠傷寒，尤須處處兼代安胎爲主，或汗或下，各宜隨其臟腑表裏所見證候主治之，勿犯胎氣，勿傷胎兒，故病在表發汗，以香蘇飲：

香附子三錢，紫蘇葉二錢，陳皮一錢，甘草一錢，頭痛加川芎一錢，白芷一錢，生薑一錢，葱白一錢，如病在半表半裏，則和解之，當用黃龍湯：

柴胡三錢，黃芩二錢，人參一錢，甘草一錢，如口乾無汗，加葛根一錢。

如胸膈滿痛，加炒枳殼一錢，炒香附子一錢，炒川芎一錢。

如病在裏，則下之，常用三黃解毒湯。

黃芩三錢，黃柏二錢，黃連一錢，山梔子一錢，酒煮大黃一錢。

(附註) 大黃用酒煮，以去其烈性，則無傷胎之患。

論中風 (西醫名爲腦神經系病或顏面神經及三叉神經牽引症)

夫四時八方之氣爲風也，蓋諸邪傷人，風爲領袖，故稱爲百病之長，即寒熱溫涼之氣，風皆能隨挾其中，變化爲病，故內經言其善行而變速也，風有正邪之分，正者長養萬物，邪者賊害萬物，人體虛則中人，若風邪客於皮膚經絡，即頑痺不仁，若入於筋脈挾寒則急，熱則弛，濕則弛，燥則急，若入臟腑，則恍惚驚悸，妊娠中風，若不早治，則令墮胎也，治此症須少汗，亦宜少下，多汗則虛其表，多下則損其血，細究之，仍有中臟中腑之分，中腑者多著四肢，利脈浮惡寒，拘急不仁，中臟者多著九竅，如唇緩失音，耳聾鼻塞，目昏便秘，中臟者宜少下之，中腑者宜少汗之，表裏已和，再佐以安胎之藥，實治此症之要法也。

防風飲——治妊娠中風，卒倒，心神悶絕，口噤不能言，四肢急強，防風三錢，葛根二錢，桑寄生一錢，羚羊角一分，細辛一錢，當歸一錢，防已一錢，秦朮一錢，燈心一錢，甘菊花一錢，茯神一錢，甘草一錢。

生犀角飲——治中風不語，四肢強直，心神昏愦，生犀角屑三分，麻黃二錢，防風一錢，赤箭一錢，羌活一錢，當歸二錢，人參一錢，葛根一錢，赤芍一錢，秦朮一錢，甘草一錢，石膏一錢，石膏一錢。

以上共爲細末，白開水沖服。

防已散——治妊娠中風，口眼喎邪手足頑痺。

防已三錢，羌活二錢，防風一錢，松木節一錢，荊芥穗一錢。

共爲細末，白開水沖服。

論瘛病（西醫名爲神經麻痺）

妊娠體弱傷風而傷太陽之經絡後復遇風寒相搏發，則口噤背強名之曰瘛。

古書云瘛其候胃悶不知人，須臾自醒，良久復作謂之瘛，又名子痲。

羚羊角散——治妊娠胃悶角弓反張，名曰瘛病：

羚羊角粉三分，獨活二錢，酸棗仁一錢，五加皮一錢，薏苡仁一錢，木香一錢，口防風一錢，當歸一錢，川芎一錢，茯神一錢，杏仁一錢。

葛根湯——治妊娠臥月，因發風瘛忽悶不知人，吐逆眩倒，少醒復發：

葛根三錢，貝母二錢，牡丹皮一錢，防風一錢，防已一錢，當歸一錢，川芎一錢，白茯苓一錢，桑枝一錢，澤瀉一錢，甘草一錢，石膏一錢，獨活一錢，人參一錢。

論瘈瘲（西醫名爲末梢神經疾患）

瘈者筋脈急而縮也，瘲者筋脈緩而伸也，一伸一縮，手足相引，搖逆不已，與嬰兒發搐相似，謂之瘈瘲，此症多屬風，蓋風主搖動也，又緣心主脈，肝主筋，心屬火，肝屬木，火主熱，木主風，風火相熾，則爲瘈瘲也：

當用鈎藤調合湯——鈎藤三錢，柴胡二錢，山梔一錢，黃芩一錢，白朮一錢，竹瀝一錢，南星一錢，半夏一錢，全蝎一錢，殭蠶一錢。

如氣血原有虧損：

當用八珍湯加黃芩一錢，鈎藤一錢，山梔一錢。

如痰涎兼通身麻木者：

當用祁蛇湯——祁蛇一個，北防風三錢，忍冬花二錢，半夏一錢，南星一錢，化州橘紅一錢，全蝎一錢，真殭蠶一錢，生薑汁一錢，竹瀝一錢。

論咳嗽（西醫名爲氣管炎）

夫肺，內主氣，外同皮毛，不密，寒邪乘之，則咳嗽，秋則肺受之，冬則腎受之，春則肝受之，夏則心受之，其嗽如不已則傳於腑，妊娠嗽久不已，則傷胎也。

妊娠咳嗽，若脾肺氣虛，用六君子湯，加川芎一錢，當歸一錢，桔梗一錢，若血虛，用四物湯加桑白皮一錢，杏仁一錢，桔梗一錢，若腎水虧，用六味丸，加五味子一錢，脾胃氣虛風寒所傷，用補中益氣湯，加桑皮一錢，杏仁一錢，桔梗一錢，蓋肺屬辛金生於已土，嗽久不愈者，多因脾土虛，而不能生肺氣，以致腠理不密，外邪復感，或因肺氣虛不能生水，致陰火上炎所致，治法當壯土金，生腎水爲善。

一，妊娠嗽則便自出，此肺氣不足，腎氣虧損，不能司攝，用補中益氣湯，以此法治之，兼以六味丸加五味，以生腎水。

一，妊婦咳嗽其痰上湧，日五六碗許，諸藥不應，予以爲此乃水泛爲痰，用六味丸料及四君子湯，各十劑而愈。
一，妊婦咳嗽其痰上湧，日五六碗許，諸藥不應，予以爲此乃水泛爲痰，用六味丸料及四君子湯，各十劑而愈。
一，妊婦因怒，咳嗽吐痰，而脇作痛，此肝火傷肺，以小柴胡湯加山梔子一錢，枳殼一錢，白朮一錢，茯苓一錢，治之而愈，但欲作嘔，此兼肝侮脾也，用六君子湯加升麻，柴胡而愈。

桔梗湯——治妊婦肺壅，咳嗽喘急不食。

桔梗三錢，天門冬二錢，赤茯苓一錢，桑白皮一錢，紫蘇葉一錢，麻黃一錢，貝母一錢，人參一錢，炙甘草一錢。

馬兜鈴湯——治妊婦氣壅，咳嗽氣喘。

馬兜鈴三錢，桔梗二錢，貝母一錢，桑皮一錢，陳皮一錢，大腹皮一錢，甘草一錢。

論吐血 (西醫名爲血管出血)

妊婦吐血者，皆由臟腑有傷，凡憂思驚恐皆傷臟腑，氣逆而上，血隨而溢，心悶胸滿，久而不已，心悶甚者死，妊婦病此，多致墮胎也。

生地黃湯——治吐血，衄血，咯血，溺血，下血，諸見血，無寒皆屬於熱，但血家症皆宜服此藥。

生地黃三錢，熟地黃二錢，枸杞子一錢，地骨皮一錢，天門冬一錢，白芍藥一錢，枯黃芩一錢，甘草一錢。

必勝湯——治婦人血妄流溢，吐血，衄血。

熟地黃三錢，小薊二錢，人參一錢，蒲黃一錢，當歸一錢，川芎一錢，烏梅一錢。

論瘧疾 (西醫名為麻拉利亞虫病)

妊娠婦病瘧乃夏傷於暑，客於皮膚，至秋而發陽盛則熱，陰盛則寒，陰陽相勝，寒熱作矣。

此症因脾胃虛弱飲食停滯，或外邪所感，或鬱怒傷脾，或暑邪所伏，審係飲食停滯，用六君子湯加桔梗一錢，蒼朮一錢，藿香一錢。外邪多飲食少，用藿香正氣湯，外邪少勞傷元氣，用補中益氣湯，若鬱怒所傷，用小柴胡兼歸脾湯，若不侮土久而不愈，用六君子湯為主，仍以安胎爲主治之法。

七寶散——治婦人一切瘧疾，或先寒後熱，或先熱後寒，或寒多熱少，或熱多寒少，或一日一發，或二日兩三發，或連日發，或間日發，或三四日一發，及一切不服水土，山嵐瘴氣，常山三錢，厚朴二錢，青皮一錢，陳皮一錢，甘草一錢，枳榔一錢，草果一錢。

人參養胃湯——治妊娠瘧疾，寒多熱少，或但寒不熱頭痛惡心，身痛面色清白，脈弦遲者，柴胡三錢，厚朴二錢，橘紅一錢，蒼朮一錢，藿香葉一錢，草果一錢，茯苓一錢，人參四錢，甘草一錢，右加生薑七片烏梅一個水煎。

清脾湯——治妊娠瘧疾，寒少熱多，或但熱不寒，口苦舌乾，大便秘澀，不進飲食：

青皮三錢，厚朴二錢，白朮一錢，草菓一錢，黃芩一錢，柴胡一錢，甘草一錢，右加生薑水煎服。

驅邪湯——治妊娠停食感冷發爲瘧疾，高良薑三錢，白朮二錢，草菓仁一錢，橘紅一錢，藿香葉一錢，砂仁一錢，白茯苓一錢，甘草一錢，加生薑大棗水煎服。

瘧疾柴胡湯——治妊娠瘧疾：

柴胡三錢，生大黃二錢，生黃芩一錢，甘草一錢。

又方當由三錢，石膏二錢，黃芩一錢，甘草一錢，烏梅一錢。

論霍亂 (西醫名爲虎列拉)

飲食過度，觸冒風冷，陰陽不和，清濁相干，謂之霍亂，其間或先吐或腹痛，吐利是因於熱也，若頭體疼痛發熱，是挾風邪也，若風折皮膚，則氣不宜通，而風熱上衝，爲頭痛，若風入腸胃，則泄利，嘔吐，甚則手足逆冷，此陽氣暴竭謂之四逆症，妊娠患之，多致傷胎也。

此證若因內傷飲食，外感風寒，用霍氣正氣散，若果脾胃頓傷，傷氣虛，手足逆冷者，須用溫補之劑，須當詳審也。

霍亂者陽明胃經之病名也，蓋因五味肥醴積成病，七情鬱結，氣盛爲火，停蓄胃中，作因寒熱之應，邪正交爭，陰陽相混，故令心腹絞痛，吐利並作，揮霍亂擾，故名霍亂，如邪在上胃腕則當心而痛，其吐多，邪在下胃腕則當臍而痛，其利多，邪在中胃腕，其腹中痛，吐利俱多，吐多則傷氣，利多則傷血，氣血如俱傷不能護養其胎，况邪氣鼓擊胎元，母壽未有不殞者也，此危惡症，不可不急治也，宜香蘇散加檀香主之：

香附三錢，紫蘇二錢，陳皮一錢，甘草一錢，藿香葉一錢，縮砂一錢，水煎。

如轉筋加木瓜一錢，胎動不安加白朮錢半，如夏月得之加黃芩錢半，黃連一錢，香薷二錢，如冬月得加入參，白朮各一錢，炮乾薑五分。

回生湯——治中血不和，霍亂吐瀉，但一點胃氣存者服之：

人參三錢，陳皮二錢，藿香一錢，香附一錢，川朴花一錢，玳玳花一錢。

七味白朮湯——治脾胃虛弱，吐瀉作渴，不食：

白朮三錢，人參二錢，茯苓一錢，甘草一錢，木香一錢，藿香一錢，乾葛根一錢。

理中湯——治妊娠霍亂腹痛，四肢逆冷，汗出脈虛者。

白朮三錢，人參二錢，乾薑一錢，甘草一錢，水煎服，重者加製附子。

人參散——治妊娠霍亂吐瀉心煩腹痛飲食不入。

人參三錢，厚朴二錢，橘紅一錢，當歸一錢，乾薑一錢，甘草一錢。

右方須加生薑三片，大枣一枚。

白朮散——治妊娠霍亂腹痛，吐利不止：

白朮三錢，益智仁二錢，枳殼一錢，橘紅一錢，草豆蔻，高良薑一錢，生薑一錢。

木瓜煎——治妊娠霍亂吐瀉，轉筋悶絕：

木瓜三錢，吳茱萸二錢，生薑一錢，橘紅一錢。

論泄瀉 (西醫名爲消化系大腸洞泄亦名急性腸加答兒)

妊娠泄瀉或青或白，水穀不化，腹痛腸鳴，謂之洞泄，喜飲嘔逆，謂之腸熱下利，當以五苓散利小便，若風冷水穀不化，如豆汁，用胃風湯，寒冷時臍下陰冷洞泄，用理中湯，痰異頻瀉瀉水，用四苓散，傷食泄瀉，小便利，用不換金正氣散

，此證之治法也。

泄瀉若米食所傷，用六君子湯加穀麩，麩食所傷，用六君子湯加麥藥，肉食所傷，用六君子湯加山楂，若寒熱作痛，乃肝木侮脾土，用六君子湯加柴胡，生薑，無兼嘔吐腹痛，手足逆冷，乃寒水侮土，用六君子湯加薑，桂，重者用益黃散，若元氣下陷，發熱作渴，體倦怠，用補中益氣湯，若泄瀉色黃，乃脾土之真色，用六君子湯加木香，肉果，若嘔而不食，腹痛，惡寒，以脾虛挾寒，用六君子湯加木香，薑，桂，或飲食少思，則兼用六味地黃丸。

胃苓湯——治脾濕太甚，胃氣不和，腹痛泄瀉水穀不化：

蒼朮三錢，厚朴二錢，陳皮一錢，白朮一錢，茯苓一錢，豬苓一錢，澤瀉一錢，肉桂一錢，甘草一錢。

不換金正氣散——治姙娠傷濕泄瀉：

蒼朮三錢，厚朴二錢，陳皮一錢，藿香一錢，半夏一錢，甘草一錢，加薑棗煎服。

胃風湯——治風冷乘虛，入客腸胃，米穀不下，泄瀉注下，及腸胃瀼，每下如豆汁，或下瘀血，或下魚腦，日狀無度：

人參三錢，白朮二錢，茯苓一錢，當歸一錢，川芎一錢，芍藥一錢，肉桂一錢，如腹痛加木香。

加味理中湯——治妊娠泄瀉：

人參三錢，白朮二錢，白芍藥一錢，白茯苓一錢，乾薑一錢，黃連一錢，木香一錢，藿香葉一錢，訶子肉一錢，肉豆蔻一錢，甘草一錢，生薑大棗。

加味治中湯——治飲食過多脾胃之氣不足以運化而瀉：

人參三錢，白朮二錢，乾薑一錢，甘草一錢，陳皮一錢，青皮一錢，砂仁一錢。

益黃散——治妊娠泄瀉，嘔吐腹痛手足厥逆：

陳皮三錢，青皮二錢，訶子肉一錢，丁香一錢，甘草一錢，右爲末每服二錢水煎。

草果散——治厥附虛寒，腹痛泄瀉無度：

厚朴三錢，肉豆蔻二錢，草豆蔻一錢。

論痢疾（西醫名爲大腸粘膜炎疾患）

妊娠飲食生冷，脾胃不能消化，致令心腹疼痛，若血分病則色赤，氣分病則色白，血氣俱病，則赤白相雜，若熱乘大便，血虛受患。則成血痢也。

治病之法當參前篇，其下黃水，乃脾土虧損真氣下陷也，當升補中氣，若黃而兼青，乃肝木尅脾土，宜平肝補脾，若黃而兼白，乃子令母虛，須補脾胃，若黃而兼黑，是水反侮土矣。

必溫補脾胃，若黃而兼赤，乃必補母益子，用補中益氣，若腸胃虛弱，風邪客之，用胃風湯，或胎氣不安，急補脾胃，而自安矣，凡安胎之藥，當臨病制宜，不必拘用阿膠艾葉之類也。

一婦人妊娠久痢，他醫用消導理氣之劑，腹內重墜，胎氣不安，又用阿膠艾葉之類不應，余曰，腹內重胎氣不安，此元氣虛而夾內熱也，遂用補中益氣湯而安。

白朮湯——治孕婦下痢滾血：

白朮三錢，黃芩二錢，當歸一錢，桑白皮一錢。

當歸芍藥湯——治妊娠腹中疝痛，下痢赤白。

白芍藥三錢，白茯苓二錢，當歸一錢，川芎一錢，澤瀉一錢，白朮一錢。

黃連湯——治妊娠下痢赤白膿血不止：

黃連三錢，厚朴二錢，阿膠一錢，當歸一錢，乾薑一錢，黃柏一錢，艾葉一錢。

紫葳黃連丸——治妊娠下痢赤白膿血不止，穀道腫：

乾薑三錢，黃連二錢，砂仁一錢，川芎一錢，阿膠一錢，白朮一錢，乳香一錢，枳殼一錢。

三黃熱艾湯——治妊娠挾熱下痢：

黃連三錢，黃芩二錢，黃柏一錢，蕪艾一錢。

歸著湯——治妊娠下痢腹痛，小便滯澀：

黃芩三錢，當歸二錢，糯米一錢。

大寧散——治妊娠下痢白赤灰色，泄瀉腹痛不止，神昏，頭眩，眼黑：

黑豆三錢，甘草二錢，粟殼一錢。

厚朴散——治妊娠下痢黃水不止：

厚朴三錢，黃連二錢，肉苁蓉一錢。

論大小便不通 (西醫名爲便秘兼膀胱癱瘓)

妊娠大小便不通，由臟腑積熱所致，若大腸熱則大便不通，小腸熱則小便不利，大小腸俱熱則大小便俱不通，前症若大腸血燥用四物湯加黃芩一錢，桃仁一錢，大腸氣滯用紫蘇飲加杏仁一錢，黃芩一錢，腸胃氣虛用六君子湯加紫蘇一錢，杏仁一錢，心肝虛熱用加味逍遙散加車前子。

大腹皮散——治妊娠大小便不通。

大腹皮三錢，赤茯苓二錢，枳殼一錢，甘草一錢。

當歸散——治妊娠因怒，肚腹脹痛，四肢浮腫，氣急作喘，大便難，大便澀，產門腫：

當歸三錢，赤茯苓二錢，枳殼一錢，白芍一錢，川芎一錢，白朮一錢，木香一錢。

論小便不通 (西醫名爲單純膀胱癱瘓尿道不通)

妊娠小便不通，爲小腸有熱，碍於胞而通耳，若兼心肺氣滿，則多喘急，如妊娠滿逼胞多致小便不利，若心腎氣虛清濁相干，則爲諸淋，若胞系丁戾，小便不通，名曰轉胞，若胎轉尿出，名曰遺尿轉胞病，胎婦稟受弱者，憂悶多者，性急燥者，食味厚者，大率有之，古方皆用滑利疎導藥鮮有應者，因思胞爲胎所壓，轉在一邊，胞系了戾不通耳，胎若舉起懸在中夾胞系得疎，水道自行，防胎之墜下，必由此注意。

前症亦有脾肺氣虛，不能下輸膀胱者，亦有氣熱鬱結膀胱者，津液不利者，亦有金爲火燦，脾土濕熱，甚而不利者，更當詳審施治。

冬麥子湯——治孕婦轉胞，小便不通，及男子小便不通皆效：

冬麥子三錢，山梔子二錢，滑石一錢，木通一錢。

金生茯苓湯——治妊娠婦小便不通，赤茯苓三錢，麥子二錢：

葵榆湯——治妊娠小便不通，臍下妨悶，心下煩亂：

葵子三錢，榆白皮二錢。

獨聖湯——治妊娠小便不通。

葶荊子爲末，每服二錢，食時濃煎葱白湯調下。

歸母苦參丸——治妊娠小便難，飲食如故：

當歸三錢，貝母二錢，苦參一錢，爲細末蜜爲丸。

論子淋

(西醫論懷孕膀胱尿道，因濕熱發炎，小便頻數，滴瀝疼痛，名曰子淋，此症與子宮淋菌之病，發生子宮頸部者不同。)

妊娠小便淋者，乃腎與膀胱虛熱不能制水，然妊娠胞繫於腎，腎間虛熱，而成斯症，甚者心煩悶亂，名曰子淋也。

此症若小便澀，少淋漓，用安榮散，若腿足轉筋而小便不利，急用八味丸，緩則不救，若服燥劑，而小便頻數，或不利，用生地三錢，茯苓二錢，牛膝一錢，黃柏一錢，知母一錢，川芎一錢，當歸一錢，甘草一錢，若頻數而色黃，用四物湯加黃柏一錢，知母一錢，五味一錢，麥冬一錢，元參一錢，肺氣虛而短少，用補中益氣加山藥一錢，麥冬一錢，若陰挺痿痺而頻數，用地黃丸，若熱結膀胱而不利，用五淋散，子淋病之治法熱則清之，燥則潤之也。

五淋散——治孕婦熱結膀胱，小便淋漓：

赤芍三錢，山梔子三錢，赤茯苓一錢，當歸一錢，黃芩一錢，甘草一錢。

子淋散——治妊婦小便澀痛頻數：

麥冬三錢，赤茯苓二錢，大腹皮一錢，木通一錢，甘草一錢，淡竹葉一錢。

安榮散——治妊娠小便澀少，遂成淋漓，名曰子淋：

麥冬三錢，通草一錢，滑石一錢，細辛一分，當歸一錢，燈心一錢，甘草一錢。

加味木通湯——治妊婦奉養太厚，喜食炙煎酒麪辛熱之物，以致內熱小便赤澀作痛者：

木通三錢，生地二錢，赤芍一錢，黃芩一錢，甘草梢一錢。

生津湯——治妊娠骨病自汗或因下痢後小便短少不痛者，此津液不足：

當歸三錢，甘草二錢，麥冬一錢，通草一錢，滑石一錢，人參一錢。

冬葵子湯，治妊婦素淡滋味。不嗜辛酸，病小便赤而痛者，此胎熱也，此方主之：

冬葵子三錢，赤芍二錢，黃芩一錢，赤茯苓一錢，車前子一錢。

地膚子湯——治妊婦八九月胎形，肥碩，小便短少，小腹脹身重惡寒，起則眩暈欲倒，此胎氣逼塞，膀胱之氣不行也，

宜此方主之：

地膚子三錢，車前子二錢，知母一錢，黃芩一錢，白芍一錢，枳殼一錢。

赤苓湯(治同上)赤茯苓一錢，蒼草根一錢，升麻一錢，通草一錢，豬苓一錢，瞿麥一錢，檳榔一錢。

論遺尿 (西醫名爲虛性膀胱麻痺)

若脬中有熱，宜用加味逍遙散，若脾肺氣虛，宜用補中益氣湯加益智，若肝腎陰虛，宜用六味丸，一妊婦遺尿內熱及兩太陽作痛，脇肋作脹，余以爲肝火血虛，用加味逍遙散，六味地黃丸，尋愈，後又犯發熱，或過熱或悲怒，前證復作，用八珍湯，逍遙散，兼以清肝火養肝血，痊愈。

白薇散——治妊娠水出不知，白薇三錢，白芍藥二錢。桑螵蛸散——治妊娠小便不禁，桑螵蛸三錢，以上二方均爲細末，溫酒調下。

論尿血 (西醫名爲膀胱痙攣兼尿道發炎)

妊娠勞傷，經絡有熱在內，熱乘於血，血得熱則流溢，滲入子脬，故令尿血也。

前証因怒動火者，宜小柴胡湯，加山梔，因勞動火者，宜補中益氣湯，因厚味積熱，或因肝經血熱，宜加味逍遙散。

續斷湯——治妊娠尿血及尿血，當歸三錢，生地二錢，續斷四錢，赤芍一錢，靈龜湯——治妊娠小便尿血，生薑三錢。

白蜜二錢，白朮

論目疾 (西醫名爲加答兒性結膜炎，亦稱夜盲病)

一婦人臨月，忽然兩目失明，不敢見燈火，頭痛眩暈，項腮腫滿，不能轉頭，諸治不瘥，人物不辨，余乃以四物湯加荆芥，防風，更服眼科天門冬飲——天門冬三錢，知母二錢，五味子一錢，茯苓一錢，羌活一錢，人參一錢，防風一錢，二方

煎服，隔日服之，忌酒辣等物，遂愈。

論防胎自墮（此症西醫有用注射葡萄糖者）

陽施陰化，胎氣乃成，血氣虛損不足，其胎易墮，或勞怒傷肝，內動邪火，亦能墮胎，推原其本，皆因人事傷及造化自然，俗論，乃謂胎氣不固而墮此未得病情者也。

一婦年二十餘，經注或成形未具，其胎必墮，察其性急，多怒，色黑氣實，此相火太甚，不能生氣養胎，反食氣傷精故也，第二月用黃芩三錢，白朮二錢，當歸一錢，甘草一錢，服至三月盡止藥，後生一子。

川芎補中湯——治懷妊血氣虛弱，不能衛養，數致數月而墮，名曰半產，五味子三錢，阿膠二錢，乾薑一錢，黃耆一錢，川芎一錢，當歸一錢，白芍一錢，白朮一錢，人參一錢，木香一錢，甘草一錢。

阿膠湯——治妊娠數墮胎，小腹病痛不可忍。阿膠三錢，熟地二錢，艾葉一錢，川芎一錢，當歸一錢，杜仲一錢，白朮一錢。

千金保胎丸——凡女人受孕經三月而胎墮者，雖氣血不足，乃中衛脈有傷，中衛脈即胃經，供應胎孕，至此時必須節慾，節飲食，戒忿怒，庶免小產之患，服此可以保全，白朮三錢，熟地二錢，杜仲一錢，當歸一錢，續斷一錢，阿膠一錢，香附子一錢，益母草一錢，條黃芩一錢，陳皮一錢，川芎一錢，艾葉一錢，砂仁二錢，蜜爲丸。

杜仲丸——治妊娠三兩個月，胎不安，防其欲墮，宜預服此丸，最爲有效。杜仲一錢，續斷一錢，和棗肉爲丸，米湯送下。

(附告)凡患墮胎之婦女爲其診病，切要囑其謹戒房慾。

論墮胎後爲半產 (西醫謂由生殖素薄弱，或由跌墜震動胎元)

夫妊娠日月未足，胎氣未全而產者，謂之半產，蓋由妊婦衝任氣虛不能滋養於胎，胎氣不固，或顛撲跌墜，致胎氣損動，或因熱病溫滯之類，皆令半產，張仲景謂「寒虛氣搏，此名爲革，故令半產漏下是也」半產俗呼爲小產，或三四月或五六月皆爲半產，以男女未成齊故也，細論之，又或因憂思悲哀驚恐暴怒，或因勞力損動，或觸冒暑熱，小產萬不可輕視，將養倍於正產。

治小產如治肌肉腐爛，補其肌肉，扶其虛損，益其氣血，去其風邪，養其臟氣無不平復，宜細審之，蓋小產重於大產，因大產如粟糲自脫，小產有如生滴，破其皮殼，傷其根蒂也，但人輕忽致死者多，婦人半產漏下，昏昧不省，瞑目無所知覺，蓋因血暴亡，有形之血去，則心神無所養，心與包絡者君火相火也，得血則安，亡血則危，火上熾故令昏冒，火盛其肝則虧，瞑目不省人事，是陰血虛，去血過多，不能鎮撫也，血既虧損，庸醫往往用滑石石管之類，乃辛寒之藥，是血既虧又瀉其氣，使二者俱傷，反爲不足，此症發熱昏迷不省者，乃上焦心肺無形之熱也，妄用寒涼之藥，驟令不行，幸而不死，暴崩氣血，必天天年，又不知內經云，病氣不足宜補不宜瀉，半產之病本氣血不足，是暴亡其血，亡血補血，又何疑。

人參湯——治半產後血下過多，心驚體顛頭目暈轉，或寒或熱，臍腹虛脹疼痛，人參三錢，麥冬二錢，生乾地黃一錢，當歸一錢，白芍一錢，黃耆一錢，茯苓片一錢，甘草一錢。

人參黃耆加味湯——治小產氣虛，血下不止，人參三錢，黃耆二錢，白朮一錢，當歸一錢，白芍一錢，艾葉一錢，阿膠

一錢。

龍骨散——治勞動跌損胎下，惡血不止，龍骨三錢，當歸二錢，地黃一錢，白芍一錢，地榆一錢，乾薑一錢，阿膠一錢，艾葉一錢，蒲黃一錢，共爲細末，米湯調下二錢。

當歸川芎湯——治小產後瘀血不盡，心腹痛，或發熱惡寒，當歸三錢，川芎二錢，熟地一錢，白芍一錢，玄胡索一錢，紅花一錢，陳皮一錢，香附一錢，桃仁一錢，丹皮一錢，瓜絡一錢，澤蘭葉一錢。

全生活血湯——治小產滯下，昏冒不省，眼目無不知覺，此因血暴亡，心神無所養也。升麻三錢，白芍二錢，當歸一錢，葛根一錢，羌活一錢，甘草一錢，川芎一錢，藥木一錢，熟地一錢，黃蓉一錢，白朮一錢，蔓荊子一錢。

當歸湯——治半產墮胎，而衣胞不出，當歸尾三錢，牛膝二錢，木通一錢，冬葵子一錢，枳麥蘗一錢。

四物一連湯——治半產後血虛而發躁熱，熟地三錢，當歸二錢，白芍一錢，川芎一錢，黃連一錢。

按半產之病，不容忽視，上列諸方，俱宜熟讀之。

論胎不長（西醫謂由於男女生殖素不足，外藥中葉內葉細胞組織遲緩，發育阻滯。）

妊娠胎不長者，因有宿冷疾病，或因失調，以致臟腑虧損，氣血虛弱，而胎不長也，當治其疾疚，益其氣血，則胎自長矣。

編者曾治一妊娠，胎五月，體倦懶食，面黃，嘔熱，脇痛，嘔吐，胎不長，余曰必有因勞欲隨之象，此乃脾氣不足也，用八珍湯倍參，朮，茯苓，二十餘劑，脾胃漸健，胎安而長矣。

又治一妊娠婦，因怒寒熱往來，內發虛熱，胸膈嘔吐，胎八月而不長，此因脾經及肝經鬱怒所致，遂用六君子湯加柴胡一錢，山梔一錢，枳殼一錢，蘇葉一錢，桔梗一錢，竹茹一錢，病愈而胎亦長，而健康如常人矣。

安胎白朮湯——治妊娠胎痿不長，此方補氣血，養攝胎氣：

白朮三錢，川芎二錢，吳茱萸一錢，炙甘草一錢。

黃耆湯——治妊娠胎不長，此方安胎和氣，利四肢：

蜜炙黃耆三錢，焦白朮二錢，雲茯苓一錢，信前胡一錢，人參一錢，正川芎一錢，炙甘草一錢。

川椒白朮湯——治孕婦宿有風冷，胎痿不長，此方益血安胎，調補衝任之脈

川椒三錢，白朮二錢，川芎一錢，阿膠一錢，熟地一錢，當歸一錢，吳茱萸一錢。

人參丸——治妊娠胎不長，宜常服，以養胎：

人參三錢，當歸二錢，茯苓一錢，甘草一錢，煉蜜爲丸。

論葡萄鬼胎（胎盤前置）

原因 入卵受精，不能行分溝變化，而所組織者，爲圓形塊狀多顆，繁聚于胎胞之內，故謂之葡萄鬼胎。胎盤，由絨毛膜，與子宮脫落膜之一所形成，爲含多量血液圓板狀之形器，廣十五至二十仙迷，厚三仙迷，至四仙迷，重約十二兩，正常附着于子宮底部，其位置若變常而附着于子宮下部，是即謂之胎盤前置，在子宮口中央者，謂之中央前置胎盤。

症狀 葡萄鬼胎，與懷孕之形狀，大畧相同，惟腹常痛，數月後，子宮內頻頻出血，腹痛頭眩，食慾不振，一二星期之

久，而葡萄塊狀，仍然難于產出。胎盤前置，六月後，子宮常常出血，狀欲流產，而胎爲胎盤障礙，不能產出。

治療 葡萄胎，須用催產下胎藥劑下之，無效，則用新醫手術，入子宮內挽出之，前置胎盤藥物無功，非用新醫早產手術不可。

治葡萄胎藥劑

牡丹皮散 延胡索一錢半，歸尾一錢，桂心三分沖，赤芍二錢，牛膝二錢，三稜一錢，莪朮一錢，粉丹皮錢半，麝香三厘沖，酒水各半煎服。

分娩預算法

欲知分娩時日，當知孕期應有若干日，若自受孕之日起，計至分娩之日止，多爲二百七十一日，惟計此非常困難，計算之法有數，擇其較易而較準者言之，即將孕婦末次行經之日起，加上七日再向後退數三月，即爲分娩之日，例如某孕婦末次行經爲十月一號，則彼分娩之日，當在明年七月八號。



天津國醫學院編

新國醫講義教材

友

婦 女 科 卷 三

專發學員功課
非賣品

院址：天津英租界三十二號路義慶里八號
院長：尉 稼 謙

新國醫講義教材 婦女科卷三

產後證治

產前及產後之情形

婦女懷胎至第二個月，其胎兒大如鷄卵，臍帶延長，外陰部亦稍稍具形，可與其他動物之胎兒，稍相區別；四肢之關節略略分明，第三個月胎兒大如鵝卵，其時處處生柔軟之骨，外陰部漸現男女之區別。口裂亦已成形，第四月男女之區別，已頗分明，重量驟增至數兩，毛髮始行發生，身體稍能運動，第五月胎兒頭生毛髮，指爪硬固，第六月胎兒兩眼可使開張，四肢可稍稍運動，重量增至一斤以上，第七月胎兒皮膚成赤色，重約二斤餘，於此月末分娩之胎兒，四肢可為稍強之運動，發微弱之聲而啼泣，然大抵經數時或一二日後即死，間有能發育者，則由專家醫生以特種方法培養之，第八月胎兒重約三斤，皮膚尚呈赤色，若於此月分娩者，往往可以長成，第九月之末，胎兒重約三斤半，鼻耳之軟骨，可以觸知，於此時期分娩者，固多能長成，然比之成熟兒，死亡較易，至第十月則為正規分娩之時期，胎兒之長，達於極度，重量亦約在四斤左右，故妊娠之持續，大率十月，每月作二十八日計，大約以二百八十五日為標準也。

(生產情形) 胎兒成熟之期，約為十個月，至十個月即須生產，是為正產，若未及期而產，未滿三月者，謂之流產，未滿六月者謂之小產，小產不特兒不能育，且於孕婦尤多危害，打胎者其險尤甚，其有八九月而生者，謂之未及期分娩，未及期分娩，嬰兒間有能育者，然大都體弱，今言正產，正產者，乃瓜熟蒂落之候，本甚自然，毫無危害，惟有種種關係，不免令人



疑懼者，一則以兒將分娩，勢必先與母體脫離，當脫離之時，則蜕膜與子宮剝離，其中血管神經，一齊牽動，劇痛至不可耐，有令產母難忍者，二則以偌大之胎兒，逼出於些小之產門，頻頻作勢，下垂如脫，有令產母乏力者，然此皆不足為患也，所可患者，或母體骨盤狹小，或體弱交骨難開，則恒致難產，宜產科專家施用手術，方為可恃，又或產後子宮收縮過遲，被細菌侵入血液，亦為危機，又或身體過弱，臨產無力支持，又或子宮外妊娠，須剖腹取胎，皆屬棘手，此外無所謂危事也。至生產之經過，初則孕婦達月，腹中隨時有動意，此謂試胎，試胎逾日或逾旬日之後，陡然腹中陣痛，愈痛愈劇，此胎兒方在脫離母體，尚無真正產候也，迨後劇痛或逾二三小時，或逾十餘小時，（以人之體格為準，大抵頭胎痛必久，時必長，多生則漸次歷時較短，）陰中有水下注，此胞漿也，（亦有先見血者）胞漿破裂之後，忽覺陣陣作漲，腹痛較差而腰痛增劇，此胎兒下移也，如是者十數陣或數十陣之後，愈漲愈急，腰痛如折，此真將產也，迨至一陣猛漲，覺大小便一齊俱急，兒即落地矣，胎通出後，胎盤即與子宮壁分離，稍後與破裂已空之囊，一同逼出，此時胎盤位置，空虛出血，因胎兒離脫，血竇仍開，惟子宮若收縮完善，則閉合甚速，故產母產後，宜使子宮收縮完善，以免多量出血或傳染細菌也。

生產之後，真蜕落膜與翻轉蜕落膜變軟而分裂，與從裏面滲出之血，同由子宮而出，是為惡露，此項溢液，初為紅紫色，及後較薄，則為藥液性惡露，最後分裂之組織，逐漸恢復，則其分裂之組織細胞中，及白血球中使排出之液，呈乳白色，亦洩於體外，有名之為白惡露者。

生產之後，乳腺乃大為脹大，其漲大之故，乃由供給乳腺之血液增加，考乳腺居胸中之兩邊，在胸腔前面兩層脂膜之間，乳腺係小管組成，其裏層為泌乳之細胞，圍合成細葉，結合而藏於脂肪之內，此項細葉又組合而成十八至二十頁，每一葉自有

一管，因以組織成一定之腺，此十八至二十之輸乳管，行近乳頭，即於其頂開孔，當產後供給乳腺之血液增加，而泌乳之細胞，乃得從容由血中吸取質料，製成乳汁，送入輸乳管，取以排出乳外，為育兒之需。

產後期衛生法

產後期，即自嬰孩產出後，至產婦逐漸還復原狀之時為止，婦女產後，畢生不能復回處女之狀，然醫家所謂復原者，惟按子宮大小而論，嬰孩初產出後，子宮高在臍上，重約二磅，復原後則子宮又入盆穴，重僅二兩，懷孕既需二百八十餘日，復原自非一日所能，平均計約需六星期，遲早略有不同，當此期內，產婦宜善自珍衛，免遺後患，後患中之最常見者，即子宮未恢復原狀，其後覺腰酸痛，流白帶，小腹下墜，月經不調，腿酸腳軟，兼有大便秘結或小便急等狀，衛生法如下：

甲、產後初數日，宜靜臥牀上，毋多談笑，尤忌過受激刺，不宜多見客人，探望之人，有自己之夫與母親已足，因親友往來，非僅不能休養，且易招疾病，如傷風咳嗽，及其他傳染病症，在此期內，尤宜仰信醫師之忠告，第五日後，產婦宜每日數次貼床伏臥，於子宮復原及其位置，皆有裨益，第七日後，產婦能坐牀上，第十日後，可坐椅上，惟初次起坐，不可過五分鐘之久，後可逐日加增，論行走工作，各人遲早不同，可與醫師商酌之。

乙、產後期之飲食，亦宜注意，產後第一天以流質食物為最宜，因易於消化也，漸則軟類食物，再漸則用平常食物。

丙、大便宜通暢，惟此期內產婦每覺大便秘結，一因臥於牀上又因腹肌鬆軟無力，且因飲食較少。

丁、哺乳之法即產後十二小時可將產婦之乳洗淨以喂嬰孩，強壯嬰兒每四小時哺乳一次，較弱者每三小時一次，產婦之乳於嬰孩為最宜，初乳雖清淡如水，然能利嬰孩之大便，且哺乳能助產婦之子宮復原，誠一舉兩得之事，惟哺乳須有定時，

則乳液而乳質佳，且按時哺乳，則小孩無不消化，或食過多之患，故胃腸強健。

戊、哺乳期內月經每亦停歇，然亦有產後第二月即見月經者，亦有在近經期時，臥床休養，而月經得以截止者。

己、產後盆浴宜忌，蓋可用擦澡法代之，四星期後，方可用盆浴。

產科急症

甲、流血 血乃生命，失血過多，則立時殞命，流血之患有數。(一)小產不盡而流血，(二)胎盤前貼而流血。(三)胎盤早分離而流血。(四)子宮疲乏無緊縮之力，而致產後崩，以上各症皆宜急治，否則無效。

乙、癲癘 即孕婦或產婦抽瘋，乃祛渣功不足之症，若不施治，則至昏迷不醒而死。

丙、產後熱症 中國產婦之死於此症者最多，因通俗之人，不知穢與染穢之害，更不知滅穢防病之故，穢即微生物，非目力所能見，然隨處皆有，喻如穢染入破傷皮上，常人抵病力充足時則不顯病狀，若抵病力弱時，則輕者顯本處紅，痛，腫熱，生膿，重者則日有寒熱，虛汗而致死，產婦染穢，即成產後熱症，如病者向係身體強健而穢毒輕，則雖受寒熱之折磨亦能復愈，反是則命殆矣。產婦染穢之原因，(一)由穩婆手上之穢。(二)未蒸過之產墊，無論紙料布料，皆有穢生存。(三)衣褲床褥上之穢，或產婦自己手上之穢，皆可於臨產或產後數日，乘機入犯。

丁、預防產後熱症法 欲防此症，須孕婦及其夫與醫師護士合力爲之，否則殊難見效，然防之法甚簡，即未滅穢之物，禁與產道相接是也，例如醫師之手，須先用胰子水洗淨。然後浸滅穢藥水內，再戴上已滅穢橡皮手套，然後作檢查術，凡一切所用之物，皆須已滅穢者，如棉花，紗布，產墊，剪刀，穩子，嬰孩之臍帶線等，當產婦臨產期近，房事盆浴皆宜禁忌。

戊、血暈或曰血冒 此乃普通人士之指產時或產後忽然頭暈，出涼汗，流血，或暈迷不醒之稱，無知者以為熱血上升而致，故每將產婦扶起坐狀，再緊壓其胸口，以阻血之上升，殊不知適足以取死，其理如下。

許氏(Hewlett)曾計人身所含之血，約占體重百分之五，至百分之八零八，以百分之十為最多，如此可見心血有限，失血過多，必至立斃，心之位置，在胸穴內，心臟乃盛血運血之中樞，由此運行全身，發育各腑，血運宛若河流，下行較易，上行較難，然吾人全身發育均勻者，因心有縱縮之力，催血遂至週身。

流血時，則心力衰弱，腦部缺乏血之發育，即覺頭暈，若扶之上坐，則尤阻血之入腦，腦尤失血，故頭暈尤甚，且物質下墜，及地心吸力之至理，液質下流，乃人人所共知，今令流血者坐而助其流血，則猶火上澆油，徒增其禍。

我國婦女，因產後流血死者，以壓產婦為最多，蓋孕育多次，則子宮鬆大，胎兒產下後，子宮不易緊縮，則血管由宮壁流血不止，若勿急治之，則頃刻間，可以殞命。

急治之法，當即延醫，同時將人之右手撐壓產婦腹部之子宮使之緊縮，若腹內現有堅 如石之球形物，即緊縮，子宮，流血將止之佳兆也，產婦之枕，當即除去，床尾當即墊高則助血運入腦部，且阻流血，然後待醫師之至焉。

產後總論

凡生產畢，須欲熱盥便一盞，不得便臥，宜開目稍坐，須臾上牀，宜仰臥，不宜側臥，被褥遮圍四向，使無孔隙，免致賊風，更須常以手從心撫至臍下，使惡露不滯，如此三日，以防血暈，血逆，莫問腹痛不痛，有病無病常以盥便飲之，大有益處，除飲食保養外，仍當注意者為慎言語，謹七情，調寒暑，至於梳頭洗足亦須以百日為度，若氣血素弱者不計日月，多

多扶養，否則患手足腰腿酸痛等症，名曰磨勞，最難治療，初產不可問是男是女，恐因愛憎而動氣，或因言語而泄氣，皆能令之致病，不可刮舌，因刮舌，恐傷心氣，不可刷牙，因刷牙，恐致血逆，須氣平復，方可治如上述之事，犯時微若秋毫，成病重如山岳，可不慎哉。

治產後當以大補為主，雖有雜症，以末治之，凡產後有病先固其氣血，參，朮，黃耆，陳皮，當歸，川芎，甘草，茯苓，皆為必需之品。

產後有病，慎忌發表，新產後不可用苦藥，以苦藥性多寒，能伐生發之氣，大抵胎前母滯，產後母虛，不可不知。

黑神散——為專治產後最有效方，因此能治普通產後一切諸疾也，當歸三錢，白芍藥二錢，製熟地一錢，炮乾薑一錢，肉桂心一錢，蒲黃一錢，炒黑豆，炙甘草各一錢，以上共為細末，每服二錢，酒送下。

論產後胞衣不下（西醫名為胞膜粘着子宮基底過緊）

產兒出，胞衣不落者，世謂之息胞，由初產時，用力，比胎兒出，而體已疲憊者遂不復能用力，產胞經停之間，而外冷乘之，則血道滯住，故胞之不出，須急以方藥救治，蓋胞衣不下者，母生子訖，又有血流入衣中，衣為血所脹者，亦令不下，治之稍緩，則益脹滿腹中，以此上衝，心胸疼痛，喘急不休者為難治，但與奪命丹，以逐去衣中之血，血散則脹消，胞衣自下，牛膝湯亦效。

又有因惡露入衣，脹而不能出者，亦有因元氣虧損，而不能送出其惡露，致流入衣中者，腹中脹痛，用奪命丹，以消瘀血，緩則不救。

奪命丹，治胞衣不下，蓋因兒之初生，惡血流入衣中，爲血所脹塞，故不得下，須臾上衝，急用此方：

熟附子三錢，牡丹皮二錢，乾漆一錢，大黃一錢，共爲細末，每服二錢溫酒送下，或做丹，服之亦可。

牛膝湯，治胞衣不出，臍腹堅脹，急痛，不能忍耐，速服此方，胞即化下！：

牛膝三錢，罌麥二錢，當歸尾一錢，通草一錢，滑石粉一錢，冬葵子一錢，肉桂一錢，牛糞引，水煎溫服。

保生無憂散，治元氣虧損，胞衣不下，由於氣虧缺乏輸送能力，而腹中不脹痛，別無他症者：

全當歸三錢，正川芎二錢，酒炒白芍一錢，炒枳殼一錢，廣木香一錢，炙甘草一錢，野人參一錢，製乳香一錢，血餘一

錢。

共爲細末，溫酒送下。

論產後血暈(西醫名爲血壓低腦貧血)

產後血暈者，由於敗血流入肝臟之絡以致頭暈眼黑，不能起坐，甚至昏悶不省人事，謂之血暈以醋酒調服黑神散，最佳，若作暗風中風治之則誤矣。

又有血熱乘虛逆上凌心，以致昏迷者，其症不省人事氣悶欲絕，服重便最妙，然細分之，其因有三，有用心使力過多而暈者，有下血過多而暈者，有下血少而暈者，其暈雖同，治之則異，當詳審之。

下血過多而暈者，昏而煩亂而已，當以補血養心藥，下血過少而暈者，惡露不下上衝於心，心胸滿急，神昏口噤，絕不知人，當以破血行血藥。

若血下多而暈者，或神昏煩亂者，當用大劑芎歸湯，若勞心力而暈者，當用補中益氣湯，加香附。

若因氣血虛極不省人事而暈者，當用清魂散，若下血過少而暈者當用黑神散。

又有血暈既因氣血俱虛，痰水乘之泛上，宜用二陳湯（即陳皮半夏）導其痰再加硃砂安其神，以求速效。清魂散，治產後血暈，氣血暴虛未得安靜，血隨氣上，迷亂心神，故眼前生花，極甚有令人悶絕不安，口噤神昏呼氣冷冰：

澤蘭葉三錢，人參二錢，川芎一錢，荆芥穗一錢，甘草一錢，當歸一錢。

芎歸湯，治產後去血過多，昏迷不省：

大劑川芎，大劑全當歸，腹中刺痛加酒炒白芍，有嘔逆加茯苓一錢，生薑一錢，虛煩加人參一錢，竹葉一錢。

論產後惡露不下（西醫名爲子宮鬱血）

夫惡露不下者，由於產後臟腑勞傷氣血虛損，或胞絡挾有宿冷，或產後當風取涼風冷乘虛而搏於血，則壅滯不宣，積蓄在內，故惡露不下也。

起枕湯——治產後惡血不行，故心痛腹痛，重者甚危：

當歸三錢，白芍二錢，肉桂一錢，川芎一錢，玄胡索一錢，牡丹皮一錢，蒲黃一錢，五靈脂一錢，沒藥一錢，白芷一錢，童便爲引。

荷葉散——治產後惡露不下，心腹疼痛，神虛，乾荷葉三錢，鬼箭羽二錢，桃仁一錢，劉寄奴一錢，蒲黃一錢，共爲細末，每服二錢，童便送下。

通瘀飲——治產後惡露不通，心愴昏沉，寒熱交攻：

當歸尾三錢，大黃二錢，白朮一錢，木通一錢，紅花一錢，桃仁一錢，荷梗一錢。

論惡露不絕（西醫名爲子宮不收）

夫產後惡露不絕者，蓋產後傷於瘀血，虛損不足，或分解時惡血不盡在腹中（此因其人宿病血瘀，致惡血挾此宿冷滯於他經）故產後其惡血始開始融化，但因氣血不調，仍不能一時全化，故惡露淋漓不斷絕也。

此症若肝氣熱而不能生血，用六味地黃丸，若肝氣虛而不能藏血，用逍遙散，若脾氣虛而不能攝血，用六君子湯，胃氣下陷不能統血，用補中益氣湯，若脾經鬱熱，而血不歸化，用六味歸脾湯，若因怒動肝而血妄行，用四物湯，若氣血俱虛，用十全大補湯，如純爲血滯挾冷，則此湯加吳茱萸，不妨多加。

論產後血崩不止（西醫謂爲產後子宮不收縮，血管血液，繼續流出不止。）

或問產後血崩者何，答曰，產後耗傷，經脈未得平復，勞役損重致血暴崩，淋漓不止，或因酸鹹不節，榮衛衰弱，亦幾崩中，若小腹滿痛，此乃肝經已壞，較爲難治，產後有此，是謂重症，又多因驚恐憂怒，臟氣未平復，而服斷血藥過早，致惡血不消，鬱滿作堅，亦能成崩中，編者曾治一婦人，產後血崩，因小腹脹痛，他醫曾用破血行血藥其崩如湧四肢不收惡寒嘔吐，大便頓瀉，及余乃用六君子湯，加炮乾薑四劑稍愈又用十全大補湯四劑而痊。

芎歸芍藥湯治產後血崩暈眩，不省人事，川芎三錢，當歸二錢，炒杭芍一錢，大劑水煎服。

加味四物湯——治產後血崩，如豆汁，或紫黑過多者，川芎三錢，當歸二錢，白朮一錢，熟地一錢，蒲黃一與，阿膠一

錢，薊根一錢，白芷一錢。

乾地黃湯——治產後崩中頭目眩暈，神思昏迷，四肢煩亂，不省人事。熟乾地黃三錢，黃耆二錢，伏龍肝一錢，赤石脂一錢，當歸一錢，川芎一錢，阿膠一錢，艾葉一錢，白朮一錢，人參一錢，甘草一錢。

阿膠丸——治產後崩中，血下不止，虛羸無力，阿膠三錢，赤石脂二錢，續斷一錢，川芎一錢，當歸一錢，丹參一錢，甘草一錢，龍骨一錢，鹿茸五分，烏賊魚骨一錢，鱉甲一錢，木賊一錢，附子一錢，補骨脂一錢。以上共爲細末，煉蜜爲丸，每服三錢，溫酒或米湯送服。

論產後腹痛（西醫謂爲子宮因產後收縮緩慢，子宮腔裏，瘀血餘屑不清，產後腹部未復原。）

若痛而作嘔惡心，用六君子湯，若泄瀉而後腹痛，用補中益氣湯，若胸脹悶飽，或惡食吞酸，由於傷食，必腹痛手不可按，此是飲食所致，用二陳湯加山楂者，亦若食既消而仍痛，或按之不痛，或更加頭痛煩悶惡食，欲嘔等症，此是中氣過傷，宜補脾胃爲主，若發熱腹痛，按之痛甚，不惡食，不吞酸，此是瘀血停滯，當用行血破血之藥，如五靈脂之類，若只是發熱頭痛，或兼腹痛按之却不痛，此屬血虛，四物湯加乾薑，參朮以補之。

兒枕（產後腹痛一種病名）者，由母胎中宿有血塊，如產時其血破散，與兒俱下則無患也，若產婦臟腑風冷，使血凝滯在於小腹，不能流通，則令結聚疼痛，名之曰兒枕，其惡露下而不快者，而作痛者，其胎中原無聚積，故不名爲兒枕也。

特種四物湯，治產後惡露不盡腹痛，及兒枕，當歸三錢，川芎二錢，白芍一錢，熟地一錢，香附一錢，五靈脂一錢。

當歸蒲朮湯，治產後血滯作痛臍下脹痛，當歸三錢，肉桂心二錢，白芍一錢，血竭一錢，蒲黃一錢，玄胡索一錢。

玄胡索散，治產後惡血攻刺腹痛及一切血氣刺痛，不論新舊，虛實皆可服之。尤治「兒枕病」。玄胡索三錢，乳香一錢，沒藥一錢，琥珀一錢，紅藍花一錢，桂枝一錢，蒲黃一錢，當歸一錢，赤芍一錢，五靈脂一錢。共爲細末，每服二錢，童便合酒調下。

玉燭飲——治產後惡露不盡，結聚成塊，臍腹疼痛，大便燥結，時發寒熱。

當歸三錢，川芎二錢，熟地一錢，赤芍一錢，大黃一錢，朴硝一錢，甘草一錢。

千金桃芍仁藥湯——治產後腹痛。桃仁三錢，赤芍二錢，川芎一錢，當歸一錢，肉桂心一錢，乾漆二分，甘草一錢。

黃耆大棗湯——治產後餘疾，腹中絞痛，瘦乏，飲食不下。當歸三錢，黃耆二錢，大棗二錢，蒼朮一錢，厚朴一錢，枳殼一錢，桂心一錢。

論產後脇腹痛（西醫又名腹膜炎亦有腸神經痛）

產後兩脇脹痛滿悶，由膀胱宿有停水，因產後，惡露不盡積水雍痞，與氣相搏，積在膀胱，故令脇肋脹滿而脹，乳與水相激，故令痛也。

此症若肝經血瘀用玄胡索散，若肝經氣滯，用四君子湯，加青皮，柴胡，若肝經血虛用四物湯，加入參一錢，白朮一錢，柴胡一錢，氣血俱虛用八珍湯加柴胡，若腎不足，不能養肝，用六味地黃湯。

余治一產婦因怒兩脇脹痛，吐血甚多，發熱惡寒，胸腹俱皆脹痛，遂用八珍湯加柴胡，丹皮，炮乾薑，而吐頓止，又用十全大補湯而諸病皆退，此乃氣血俱虛，苟非用薑桂辛溫助脾肺以行藥，勢不惟無以施功，反助其脹矣。

乾地黃湯——治產後兩脇滿痛，兼除百病。乾地黃二錢，白芍二錢，當歸一錢，蒲黃一錢，桂心一錢，生薑一錢，砂仁一錢。

經效湯——治產後肝經氣滯不平，脇脹痛，或兼寒熱往來。當歸三錢，白芍二錢，苦桔梗一錢，檳榔一錢，枳壳一錢，桂心一錢，青木香一錢，柴胡一錢。

蘇葛湯——治產後氣血壅痞，脇脹痛，不下食，蘇木三錢，紫葛一錢，白芍一錢，當歸一錢，肉桂心一錢，蒲黃一錢。廣濟湯——治產後腹痛，脇脹下悶，不食，厚朴三錢，人參二錢，當歸一錢，茯苓一錢，甘草一錢，陳皮一錢。

抵聖湯——治產後腹脇悶滿，兼嘔吐者，赤芍藥三錢，半夏二錢，澤蘭葉一錢，陳皮一錢，人參一錢，甘草一錢。

論產後腰痛（西醫名為坐骨神經痛）

腎主腰脚。產後腰痛者，為女人腎位繫於胞，產則勞傷腎氣，損動胞絡，虛未平復，而風冷客之，冷氣乘腰，故腰痛也。若寒冷邪氣凝滯背腰，痛則不止，常用寄生湯——治產後風邪，頭眩腰痛步難行，桑寄生三錢，獨活二錢，川芎一錢，白芍一錢，肉桂心一錢，續斷一錢，生薑一錢，防風一錢，當歸一錢。

玄胡四物湯——治產後血刺腰痛，玄胡索三錢，當歸二錢，川芎一錢，白芍一錢，熟地一錢，砂仁一錢，酒為引，此症如真氣平素大虧而邪乘之者，當於寄生湯內加人參一錢，黃耆一錢，附子一錢，如此症有平素有氣滯者加青皮一錢，木香一錢。

簡便方：如平常腰痛只以玄胡索末酒調服之，極效。

論產後頭痛（西醫名為虛性腦神經痛）

人頭為諸陽之會，凡產後五臟皆虛，胃氣虧弱，飲食不充穀氣尙乏，則令虛熱，陽氣不守，上溢於頭，陽實陰虛，則令頭痛也。

此症若陰虛及中氣虛。用補中益氣湯加蔓荊子。若因風寒所傷，用補中益氣湯加川芎，蘇葉。

芎烏散——治產後氣滯頭痛，天台烏藥三錢，大川芎二錢，共碎細末，溫酒調服。

加減四物湯——治產後頭痛血虛，或寒厥痰癖，皆令其頭痛，蒼朮三錢，羌活二錢，川芎一錢，防風一錢，香附一錢，白芷一錢，石膏一錢，細辛八分，（細辛用時勿過一錢）當歸一錢，甘草一錢。

如有汗者，知氣虛頭痛也；本方加白芍一錢，肉桂一錢，生薑一錢，如夾熱頭痛，本方多加石膏，多用白芷，並加知母，如寒厥頭疼本方加天麻一錢，生薑一錢。

論產後遍身疼痛（西醫名為關節及肌肉僵麻質斯）

產後遍身疼痛者，何故，蓋產後百節開張，血脈流散遇氣弱則經絡肉分之間，血多留滯，累日不散，則節骨不利，筋脈攣急引動致腰背不能轉側，手足不能動搖，故身熱頭痛也。

此症若誤以為傷寒病治之，強迫大發其汗，勢必汗出，而筋脈動惕，手足厥冷，變症皆出，但服下方：

驅痛散——治產後氣弱血滯，筋脈拘攣，遍身疼痛，當歸三錢，肉桂二錢，白芍一錢，黃耆一錢，獨活一錢，木香一錢，牛膝一錢，生薑一錢，甘草一錢，韭白一錢，桑寄生一錢。

此症若以手按而痛甚，是血滯也，當用四物湯加炮乾薑一錢，紅花一錢，桃仁一錢，澤蘭葉一錢，補而收之。

若按而痛稍緩，是血虛也，當用四物湯加炮乾薑一錢，人參一錢，白朮一錢，補而養之。

論產後脚氣（西醫謂由於血液內浸入尿毒分泌下行。）

產後血虛生熱，復由春夏取涼過多，大地之蒸濕，因足履之，所以着爲脚氣，其狀熱悶羸癢，驚悸，心煩嘔吐氣上，皆其候也。

大防風湯——治陰虛邪襲，脚腿腫痛等症，防風三錢，附子二錢，牛膝一錢，白朮一錢，羌活一錢，人參一錢，肉桂一錢，黃耆一錢，川芎一錢，熟地一錢，白芍一錢，杜仲一錢，甘草一錢。

論產後外感風寒（西醫名爲流行性感冒）

產後外感者，因離牀太早，或換衣襲風，冷入下部，令人寒熱似瘧頭痛不歇。血虛者當用芎歸湯加人參，紫蘇梗，粉葛。

如體盛發熱惡寒，當用小柴胡湯合君子湯（即四君）切不可用傷寒法治之，因產後體質與平人異也，產後外感風寒發熱頭痛身疼，雖如傷寒時氣，當用麻黃，在產後亦不可輕易用之，如早起勞動爲寒所傷則漸漸惡寒，翁翁發熱，頭項脊背骨節皆痛，若大便堅作嘔不能食，用小柴胡湯並多加生薑，多加紫蘇。

如病人以前服熱藥多而便閉者，用小柴胡湯多加大黃。

茲再囑告者，新產後患傷寒切不可輕易發汗，蓋當產時傷力發熱，去血過多發熱，惡露不去發熱，三日蒸乳發熱，或早

起勞動飲食停滯，一皆發熱，狀類傷寒，要在仔細詳辨，切不可輒便發汗，大抵產後大下血空虛，若汗之，崩傷肉動，或變冒昏迷而不省，或驚然搖擗而不定，或大便閉塞而難去，其害非淺，切宜詳審。

凡有發熱如病不甚重者，亦可與四物湯而以川芎當歸爲君，白芍須炒過酒蒸，熟地黃少用佐之。

如甚發熱加軟苜柴胡，人參，炮乾薑最效，蓋乾薑之辛熱，能引血藥入血分，能引氣藥入氣分也，且能去惡養新，有陽生陰長之道，以熱藥治產後血虛發熱亦深合內經之道。

如兼有惡露仍未盡者，黑神散必兼用之，若胃經虧弱而少食者，須加白朮，茯苓，知兼嘔逆者，必加陳皮，半夏，其餘諸症自能盡退矣。

總言之，凡產後發熱頭痛身疼，不可便作完全感冒治之，此等多是虛熱，或便無汗，亦係津枯無汗，總以和平之劑，善於治療爲宜。

如產後純粹感寒發熱，別無他因，則當用下方：

竹葉湯——治產後感寒而喘者：竹葉三錢，防風二錢，桔梗一錢，人參一錢，如重者，尚須加半夏。

論產後中風（西醫名爲顏面神經眼筋神經及末梢神經麻痺或痙攣症）

產後中風者，由產時傷動血氣，勞損臟腑，身體未曾平復，再有早起勞動，致使氣虛而風邪乘虛而入，故厲風冷氣客於皮膚經絡，大凡筋脈中見則顛急喎僻，若人譫譫則恍惚驚悸，隨其所傷臟腑而生病焉。不可不知其因也。

或問產後中風尚有他故乎，答曰產後五七日內，強力下床，或一月之內傷於房事，或懷憂思氣怒擾盪元神，或食食生硬

勁臟腑而適中風邪，病之重者，甚至眼溢口噤，肌肉僵，漸至腰脊筋急強直，頸硬而舉動不仁者。

此症果外邪所屬，形氣不足，病氣有餘，當以補元氣為主，稍佐以治風之藥，若因確由於強力不休，月內行房，屬形氣俱不足，當以純補元氣，多有復甦者，切不可一意用發表散風之藥，直是促其危也。

產後下血過多，虛極而類中風者何，答曰，婦女以血為主，因生產下血太多，氣無所生，以致唇青肉冷，汗出，目眩神昏，命在須臾者，此虛極而類中風也，若完全以風藥治之，則非其道矣。

產後角弓反張者，是體虛確實受風，風入諸陽之經也，人之陰陽經絡周環於身，風邪乘虛入於諸陽之經，則腰背反折變急，如角弓之狀也。

口噤者，是氣血虛而風入於頰頰也，深入頰頰之筋，筋得風則急，故令口噤也。

產後中風，因氣血耗損，腠理不密，汗出過多而患者，虛象也，宜固氣血為本，宜詳審之。

小續命湯——治產後中風邪或病氣有餘，身體緩急，或頭暈不仁，或口眼喎邪，牙關緊閉。人參三錢，附子二錢，肉桂二錢，白芍一錢，甘草一錢，杏仁一錢，川芎一錢，防風一錢，荆芥一錢，生薑一錢，防己一錢，葛根一錢。

（附註）如熱太盛於本方去附子，肉桂，如骨節煩痛，去附子，肉桂，多加白芍，精神恍惚於原方加殊茯神，如外感風邪不甚，確是氣血不固，虛極而類中風者，宜大劑人參三錢，黃耆二錢，當歸二錢，白朮一錢，肉桂一錢，以培養之，如重者多加附子一錢，名加味大參附湯。

論產後發瘧（西醫名為單純頭面神經痙攣）

產後汗出而變極者，因產後血虛腠理不密，加以汗出過多，外邪乘之，則變極也，與中風相似，但多搖頭如馬鳴，須臾即發，似氣息已絕，須臾稍輕而不久又發，當用大豆湯：

大豆湯——治產後發極，悶倒不知人。大豆三錢，葛根二錢，獨活二錢，防己一錢，酒爲引。

簡便方——荊芥穗，焙乾爲末，每服三錢，以酒調送，或以童便送，口噤檀開灌之，或吹鼻中皆效，古書名爲如聖散，蓋言其功如神聖。

按荊芥氣味不寒不熱，散不傷氣，行不害和，以酒調送，通宜疎利之功妙不可言。

論產後瘰癧（西醫名爲筋肉局部痙攣及指端痙攣）

瘰者筋脈拘急也，癧者筋脈張縱也，內經云，肝主筋而藏血，肝氣爲陽爲火，肝血爲陰爲水，此症因產後陰血去多，陽火熾盛，筋無所養而然耳，故癧疽膿水過多，金瘡出血過甚，則陽隨陰散，亦多致此，治法當用生陰血退陽火之劑，諸症自愈。

防風飲——治產後瘰癧，肢體不隨恍惚狂言，來去無定時，秦艽三錢，獨活二錢，半夏曲二錢，防風一錢，防己一錢，白朮一錢，生石膏一錢，白芍一錢，黃芩二錢，當歸一錢，遠志二錢，人參一錢，甘草一錢。

秦艽湯——主治同前，秦艽三錢，白芍二錢，柴胡二錢，防風一錢，人參一錢，黃芩一錢，半夏曲一錢，甘草一錢，竹葉一錢，生薑一錢，（以上兩方其間俱用半夏曲爲宜）

論產後拘攣（西醫名爲急性僵麻質斯）

新國醫講義教材 婦女科

產後筋脈驟急者，是氣血不足臟腑俱虛，月內未滿起早勞役，動傷臟腑，虛未平復，爲風所乘，風邪冷氣初客於皮膚經絡，則令人頑痺不仁，羸乏少氣，風邪入於經脈筋絡，如挾寒，則拘攣。

舒筋湯治一切筋骨拘攣疼痛，蓋因風寒傷之，氣血凝滯，經絡不舒所致，片子薑黃三錢，羌活二錢，甘草二錢，桐皮一兩，（即海桐皮）全當歸一錢，杭白芍一錢，白朮一錢，生薑一錢。

芎藭湯——主治同前，川芎三錢，羌活二錢，當歸二錢，棗仁一錢，牛蒡子一錢，防風一錢，白芍一錢。

論產後不語（西醫名爲嗅神經及味神經麻痺）

人心有七孔，產後虛弱，多致停滯敗血，閉於心竅，神志不能明了，又心氣通於舌，心氣閉塞，則連帶其舌亦強直矣，故令不語。

七珍散——治產後虛弱，敗血閉於心竅，神治不明，以致舌強不語，人參三錢，石菖蒲一錢，生地黃一錢，正川芎一錢，細辛八分，防風一錢，辰砂一錢，共爲細末，薄荷煎湯調服，每服一錢。

孤風散——治產後閉目不語，生白礬爲末，每服一錢，熱水調下。

三珍散——治產後不語，人參三錢，石連肉一錢，石菖蒲一錢，共爲細末，熱水調服。

逐血補心湯——治產後失音不語，心肺二竅俱爲血所侵，又感傷風邪，致成此疾。當歸二錢，赤芍一錢，生地一錢，桔梗一錢，蘇葉一錢，信前胡一錢，茯苓一錢，防風一錢，南星一錢，黃連一錢，乾葛一錢，紅花一錢，法半夏一錢，人參一錢，升麻一錢，甘草一錢。

論產後狂言譫語（西醫謂惡血犯及腦前又老帝答尼刺症）

產後語言顛倒，或狂言譫語，其原不一，須仔細辨證，用藥治療，產後驚風，語言亂道，精神不定者，皆其候也。

一靈三聖湯——專治產後心虛，敗血停積，上干於心，而狂言獨語者。生荷葉二錢，生蒲黃二錢，生乾地黃一錢，牡丹皮一錢。

柏子仁湯——治產後元氣虛弱，瘀血停滯，狂言亂語，柏子仁三錢，遠志二錢，生地黃二錢，人參一錢，當歸一錢，桑寄生二錢，北防風一錢，琥珀一錢，甘草一錢。

妙香飲——治法同前，乾山藥三錢，白茯苓一錢，茯神二錢，黃耆一錢，遠志一錢，人參一錢，苦桔梗一錢，辰砂一錢，甘草一錢，木香一錢。

四物補心湯——治產後言語恍惚，顛倒錯亂，桔梗三錢，茯神二錢，陳皮二錢，生地一錢，當歸一錢，白芍一錢，川芎一錢，半夏一錢，甘草一錢，白朮一錢。

論產後驚悸（西醫名為腦貧血兼心臟虧血或神經性心悸亢進症）

產後臟虛，心神驚悸者，由於體虛心氣不足，心之經為風所乘也，或恐懼憂怕，令心氣益虛而受於風邪，邪搏於心，則驚不自安，若再驚不已，則悸動不定，其狀目睛不轉，而不動。

按人之所主者心，心之所主者血，心血一虛，神氣不守，此亦驚悸之所由作也。

白茯苓湯——治產後心神，驚悸一切症候：

白茯苓三錢，人參二錢，熟地二錢，黃耆一錢，當歸一錢，白芍一錢，焦遠志一錢，桑寄生一錢，麥冬一錢，桂心一錢，甘草一錢，菖蒲一錢，茯神一錢。

安神四物湯——(主治同前)：

當歸三錢，川芎二錢，白芍二錢，熟地一錢，茯神一錢，遠志一錢，酸棗仁一錢。

論產後虛煩(西醫名爲血壓高)

凡產後氣血虛，氣無所附，則逆而爲火，火上逆，而瘀血迫之則心煩矣。

荷葉湯——專治產後惡血衝心時發煩燥，乾荷葉三錢，玄胡索二錢，生地黃汁(多用至一兩)

川芎湯——專療產後餘血不盡，上衝心煩，川芎三錢，生乾地黃一錢，杭白芍二錢，炒枳殼一錢。

竹葉湯——專治之病同前，竹葉三錢，麥冬二錢，小麥二錢，甘草一錢，生薑一錢，大棗一錢。

竹茹湯——主治同前，乾竹茹三錢，人參二錢，麥冬二錢，茯苓一錢，甘草一錢，黃芩一錢。

論產後發渴(西醫謂口渴舌面無液，口津各腺，不能照常分泌口液，胃部吸收與分泌失常)

產後胃氣虛弱，多有口乾作渴之症也。

竹葉歸耆湯——治產後虛渴乏氣少力，竹葉三錢，黃耆二錢，當歸二錢，人參一錢，白朮一錢，麥冬二錢，甘草一錢。

七味白朮湯——治產後中氣虛弱，津液短少口乾作渴，宜用此方，白朮三錢，人參二錢，白茯苓二錢，甘草一錢，藿香

梗一錢，木香一錢，乾葛根一錢。

瓜蒌根湯——治產後諸般發渴，瓜蒌根三錢，麥冬二錢，人參二錢，生地一錢，甘草一錢，大棗五個。

清心蓮子飲——主治同前，麥冬三錢，黃芩二錢，地骨皮二錢，車前子一錢，甘草一錢，人參一錢，黃耆一錢，茯苓一錢，石蓮肉一錢。

論產後自汗口渴（西醫謂血管汗腺濼洩過於常時，故自汗不止。口津各腺不能照常分泌口液，胃部吸收與分泌亦失常，故口渴不止。）

產後虛汗不止者，由陰氣虛而陽氣加之，裏虛表實，陽氣獨發於外，故汗出也；血為陰，產生則易傷血，是必陰虛也；氣為陽，其氣實者，陽加於陰，故令汗出者，至於陰氣虛弱者不復者則汗出不止也。

凡產後氣血虛，故多汗，前已言之矣，若同時感受邪風，則變成痙病矣，即便不變痙，亦必虛乏短氣，身體柴瘦，唇乾口燥，而渴，久則必致經水斷絕，津液亦竭於極點矣。

黃耆湯——治產後虛汗不止。黃耆三錢，白朮二錢，防風二錢，熟地一錢，牡蠣一錢，茯苓一錢，麥冬一錢，甘草一錢。

麻黃根湯——主治同前。麻黃根三錢，當歸二錢，黃耆二錢，牡蠣一錢，人參一錢，甘草一錢，大棗五個。

（按麻黃最能發汗，而麻黃根最能止汗，慎勿混合，由此可見藥物生成之妙也）

論產後發熱（西醫名為產褥熱）

原因：分為甲乙二種，甲敗血症，乙膿毒症，原因由消毒法不完全，子宮陰道，產後粘膜炎，葡萄球菌，及膿腫連鎖

新國醫講義教材 婦女科

球菌，乘之而入，遂起產褥熱病。

症狀：惡寒發惡，甲種敗血症，產後三日即發，乙種膿毒病，產後一週間始發。

產後虛煩發熱，乃陰陽不和，氣血俱虛，蓋產後陰血虛，虛則陽無所附，而浮於外，故多發熱，治法用補血之藥，以補其陰血，而以苦溫為從治，用以收其浮散，然產後脾胃虛，多有過食，飲食傷滯而發熱，治法於此則須分清，如誤作血虛治，則不效矣，但遇產後發熱者，須審問曾食何物，有無傷積，若有胸膈飽悶，噯氣惡食，等症，則按傷食治之，若飲食自調而有發熱之症者，方能用補血之法，斯無誤矣。

參耆湯——治產後發熱，人參三錢，黃耆二錢，當歸二錢，川芎一錢，白茯苓一錢，白朮一錢，甘草一錢。

四物增味湯——治產後陰虛血弱，發熱，熟地三錢，當歸二錢，白芍二錢，川芎一錢，茯苓一錢，茯神一錢，遠志一錢。

加味逍遙飲——治產後發熱口乾，作渴，唇裂生瘡，當歸三錢，白芍二錢，生地二錢，葛根一錢，川芎一錢，黃芩一錢，柴胡一錢，人參一錢，麥冬一錢，烏梅一錢，甘草一錢。

犀角飲子——治產後亡津液，虛損時自汗出，發熱，犀角一分，麥冬二錢，白朮二錢，柴胡一錢，枳殼一錢，地骨皮一錢，生地一錢，當歸一錢，人參一錢，茯苓一錢，黃耆一錢，黃芩一錢，甘草一錢。

論產後往來寒熱（西醫名為壞血病或敗血病）

或問產後乍寒乍熱者何，曰，陰陽不利，敗血不散，能令乍寒乍熱，產後血氣虛損，陰勝則乍寒，陽勝則乍熱，陰陽相

乘，則乍寒乍熱。

若因產勞，臟腑被傷，致血弱不得宣越，故令敗血不散矣。

柴胡四物湯——治產後往來寒熱，及日久虛勞，微有寒熱之症，當歸三錢，川芎二錢，熟地一錢，柴胡一錢，人參一錢，黃芩一錢，半夏一錢，甘草一錢。

增損柴胡湯——治產後虛弱，寒熱，飲食少，腹脹，柴胡二錢，人參二錢，甘草二錢，半夏一錢，陳皮一錢，川芎一錢，白芍一錢，如兼脹滿，於上方稍加厚朴一錢，生薑一錢。

論產後虛勞（西醫名爲萎黃病及貧血病）

產後虛勞者，此由生產日淺，氣血虛弱，飲食未平復，不滿日月，氣血虛弱，將養失所，而風冷客之，風冷搏於氣血，則不能溫於肌膚，使人虛乏勞倦，乍臥乍起，顏色憔悴，飲食不消，風邪氣，兩感於肺，肺受微寒故咳嗽口乾，遂覺昏悶，百節疼痛，榮衛受於風邪，流注臟腑，須臾頻發，時有盜汗，寒熱不定，背縛四肢不舉，時覺沉重，此則虛勞之候也。

白茯苓湯——治產後虛勞，頭目，四肢疼痛，白茯苓三錢，當歸二錢，川芎一錢，熟地一錢，白芍一錢，黃芩一錢，人參一錢，桂心一錢，生薑一錢。

黃薑湯——主治同前，黃薑三錢，鱉甲二錢，當歸一錢，川芎一錢，白芍一錢，桂心二錢，續斷一錢，牛膝一錢，菴蓉一錢，柏子仁一錢，沉香一錢，枳殼一錢，五味子一錢。

論產後痞悶（西醫名爲胃衰弱急性胃加答兒）

新國醫講義教材 婦女科

或問，產後口乾痞悶者何，答曰，產後榮衛太虛，血氣未定，食麵太早，胃不能消化，麵毒結聚於胃，上蒸胸中，是以口乾燥渴，心下痞悶，醫者不識，認爲胸膈痰滯，以藥下之何能見效。

又有產婦，內積壅煩，外傷燥熱，飲食甘肥，致使口乾，痞悶，後遂飲食日減，肌體日瘦。

良薑飲——治產後痞悶，良薑三錢，薑黃二錢，萹荳茄一錢，京三稜一錢，蓬莪朮一錢，人參一錢，陳皮一錢，萊菔子一錢。

論產後浮腫（西醫名爲心臟性水腫或腎臟炎水腫）

產後四肢浮腫者，敗血乘虛停積循經流入四肢，留滯日深，却還不得，腐壞如水，故令面黃四肢浮腫，然產後浮腫又有多端，有自從懷妊腫至產後不退者，亦有產後失於調理，外感寒暑風濕，內則煩怒，憂驚，血與氣搏留滯經絡者。

調經散——治敗血乘虛停積流入經絡四肢浮腫，沒藥三錢，琥珀二錢，桂心一錢，芍藥一錢，當歸一錢，細辛八分，每服二錢，用溫酒送下此散。

七聖湯——治產後浮腫，乘大便秘小便澀，肉桂三錢，酒大黃二錢，檳榔一錢，木香一錢，羌活一錢，郁李仁一錢。

論產後乳汁不行（西醫名爲乳腺分泌障礙）

婦人乳汁，乃氣血所化，其或不行者，皆由氣血虛弱，經絡不舒所致。

若雖有乳汁，却不甚多，須用後列通經之藥，以動之。

若婦人素患勞病，乳汁黃而甚少者，生子必性弱多疾。

加味調乳湯——治氣血虛，乳汁不通，當歸三錢，王不留行二錢，天花粉一錢，木通一錢，生地一錢，川芎一錢。

通草湯——治產後氣血實盛，乳汁不通，通草三錢，桔梗三錢，瞿麥一錢，柴胡一錢，天花粉一錢，青皮一錢，白芷一錢，赤芍一錢，連翹一錢，木通一錢，甘草一錢。

湧泉散——治氣滯少乳，以此散疏動之，瞿麥穗三錢，穿山甲二錢，王不留行一錢，皂角一角，酒送此散。

論產後乳汁自出（西醫名爲乳腺瘻）

產後乳汁自出者，乃是胃氣虛所致，宜服用藥以止之，此症如氣血俱虛，用十全大補湯，肝經血熱用加味逍遙飲，肝經怒火，用四物湯加柴胡一錢，梔子一錢，黃芩一錢，肝脾鬱用加味歸脾湯。

曾治一產婦勞役，忽然乳汁如湧，昏味吐痰，此陽氣虛而厥也，滯以獨參湯而甦，更以十全大補湯數劑而安。

若婦人氣血方盛，乳房作脹，或無兒飲，脹痛，憎寒發熱，用麥芽一二兩炒熟，水煎服立消。

有未產前乳汁自出者，謂之泣乳，生子多不育。

論產後吹乳癰腫（西醫名爲乳房腺腫兼乳房神經痛）

產後乳病尤爲緊要，蓋婦人之乳，男子之腎，皆性命根也，乳房陽明所經，乳頭厥陰所屬，乳子之母，不和調養，或爲忿怒所逆，鬱悶所逼，厚味所釀，所致厥陰之氣不行，故竅不通，而乳不得出，陽明之熱沸騰故熱甚而化膿，亦有所乳之子，隔於滯痰，口氣蒸後合乳而睡，熱氣所吹，遂生結核，腫硬壅閉，乳道疼痛，亦有不疼不痛，腫硬如石者，此不治必成癰癤。治法疎厥陰之滯用青皮，清陽明之熱用石膏，散污濁之血用生甘草梢，消腫導毒用瓜蒌子，或加沒藥，青橘葉，皂角，

金銀花，當歸，或湯或散，加減隨意，然須用酒佐之，其效尤捷，彼村俗庸醫喜於自衒，便妄用刀針，引惹出病，良可哀憫。

結核亦有氣血虛弱，被外感內傷，以致痰癆凝滯而成核者，氣虛者用四君子湯更加川芎三錢，當歸二錢，柴胡一錢，血虛者，四物湯加人參一錢，白朮一錢，柴胡一錢，升麻一錢。

消毒飲——治吹乳癰腫，當歸三錢，白芷二錢，青皮一錢，柴胡一錢，天花粉一錢，僵蠶一錢，金銀花一錢。

連翹飲子——主治同前，青連翹三錢，瓜蒌仁二錢，正川芎一錢，皂角刺一錢，橘葉一錢，青皮一錢，桃仁泥一錢，生甘草一錢。

內托升麻湯——治婦人兩乳間出黑頭，瘡頂陷下作黑眼，綠升麻三錢，當歸二錢，葛根一錢，青連翹一錢，鹽黃柏一錢，灸黃耆一錢，牛勞子一錢，甘草一錢，肉桂一錢。

清肝解毒湯——治肝經血虛風熱，或肝經鬱火傷血，乳內結核，或為腫潰不愈，凡肝胆經血氣不和之症宜用此方，人參三錢，茯苓二錢，熟地一錢，芍藥一錢，貝母一錢，山梔子一錢，當歸一錢，柴胡一錢，川芎一錢，陳皮一錢，甘草一錢，丹皮一錢。

復元通氣散——治婦人乳癰及一切腫毒。

木香三錢，茴香二錢，青皮一錢，穿山甲(醋炙酥)一錢，陳皮一錢，白芷一錢，甘草一錢，漏蘆一錢，貝母一錢，共為細末，每服二錢，酒調下。

夜明砂散——乳癰神效之方，夜明砂三錢，瓜蒌仁(炒)二錢，阿魏一錢，共為細末，酒調服，簡便方用生地黃汁塗乳上，一日六七次立效。

論產後便血(西醫名為腸出血)

產後便血，或飲食起居，或六淫七情，以致元氣虧損，腸絡外傷，治法若因怒動肝火，用加味小柴胡湯，若大腸風熱，用四物湯加黃芩一錢，黃連二錢，槐花一錢。

加味清寧湯——治積熱便血，當歸三錢，黃連二錢，升麻一錢，牡丹皮一錢，石膏一錢。

論產後陰脫(西醫謂為產後子宮不收)

(原因)子宮後近直腸，前隣膀胱，上為骨盤底，諸組織緊密聯合，下為陰道所襯托，相維相繫，本不致於脫出，因產時努力過甚，子宮牽引而下，其骨盤底諸組織弛緩疏鬆，無力維持，乃遂脫出，內服後方：

當歸黃耆湯——治產後陰戶脫下。當歸三錢，白芍二錢，黃耆一錢，人參一錢，升麻一錢，水煎服。外用五倍子煎湯洗之。

牡蠣散——牡蠣三錢，蝸皮(用火煨)二錢，當歸一錢，黃芩一錢，白芍藥一錢。(外以綳帶束縛之)

論產後產門不閉腫痛(西醫謂陰道自產後，其粘膜及肌肉組織纖維失彈力性，不能恢復生產前之原狀)

產後玉門不閉者，氣血虛弱也，曾治一婦人脾胃虛弱，產後玉門不閉腫痛，寒熱作渴，嘔吐不食，他醫外敷大黃等藥，內服驅利之劑，其腫愈甚，諸症蜂起，余曰，此真氣虛，邪氣盛也，先用六君子湯以固氣，次用補中益氣湯以升陽，遂愈。

當歸洗滌湯——當歸三錢，獨活二錢，白芷一錢，地榆一錢，敗醬草一錢，礬石一錢，水煎洗滌之。

或用五倍子，白礬，水煎洗滌之。

或用西藥硼酸軟膏，調擦外陰道。

陰門癢西藥療法

原因 手淫，赤白帶，蟻虫寄生，貧血，糖尿，淋病，梅毒，或產後不潔等，皆能致之。

症狀 大小陰唇口。及陰道口各部。奇癢不堪。幾難忍受。輾轉牀褥。甚則灼熱。腫脹糜爛。兼有小便困難之患。

治療 當先診察病原。分別施治。本病愈。則癢症自瘳。

外用處方例（制淫液）

石炭酸 三・〇 餽水 一〇〇・ 右調和。綿花浸濕。罨覆患部。

貞女膏 鹽酸古加乙溫 〇・一五 薄荷腦 一・〇 橄欖油 二・〇 羊毛脂 二八・〇 右調勻。製成軟膏。塗敷患部。

脫胎液 石炭酸 五・〇 純酒精 一〇・

右溶和。塗敷患部。凡奇癢者。隔六日。將此液擦陰門一次。擦後用再生膏擦之。

再生膏

華攝林軟膏 五〇・ 亞鉛華 鯨蠟 各三・〇

右調勻。製成軟膏。塗敷患部。已用脫胎液者。必須續用此方。

#41

114336